

NY FAMPAKARAM-BADIN'NY

ZANAK'ONDRY



Misaotra anao, Rahalahy Edward. Ny Tompo hitahy anao.

Manao ahoana, ry sakaiza. Tombontsoa iray tokoa indray izao hariva izao ny tonga eto amin'ny Fellowship Tabernacle. Rehefa nandalo aho, ny tolakandro teo, ka njery hoe aiza no nisy an'ilay izy, dia hitako ny soratra "Fellowship," tena nety tamiko mihitsy izany. Tiako izany, Rahalahy Edward. Fiombonana, izany no inoantsika.

² Sakaizako fahiny anankiray, izay vao lasa nody any an-Trano mihitsy mba hiaraka amin'ny Tompo, maro aminareo no mety nahafantatra azy, Dr. F. F. Bosworth. Maro aminareo. Efa teto Phoenix izy, mino aho, niaraka tamiko indray andro, fanahy iray tena mahery fo. Ary izy dia...nanana ny—ny... Izy dia lehilahy antitra masina anankiray, saingy nanana toetra mahay mampihomehy. Ary nilaza tamiko izy, indray mandeha, hoy izy... Niresaka foana mikasika ny fiombonana aho. Dia hoy izy hoe, "Rahalahy Branham, mba fantatrao ve inona ny atao hoe fiombonana?" ["fellowship" amin'ny teny Anglisy—Mpand.]

Hoy aho hoe, "Eny, ataoko fa eny, Rahalahy Bosworth."

³ Hoy izy hoe, "Izany dia olona anankiroa ["Two fellows" amin'ny teny Anglisy—Mpand.] ao anatin'ny sambo ["Ship" amin'ny teny Anglisy—Mpand.] anankiray." Noho izany, ary ohatry ny marina izany, mifampizara efitra amin'ny hafa.

⁴ Ary hitako fa maro taminareo no nanangana ny tānanareo, hoe mahafantatra an-dRahalahy Bosworth. Noho ny—ny fahafantaranareo azy, dia te-hilaza teny iray fotsiny aho ny amin'ireo fotoany farany teto an-tany. Fotoana vitsivitsy ihany no nahafantarako azy. Ary efa teto izy nitory ny Filazantsara sy nivavaka ho an'ny marary, talohan'ny nahaterahako. Noho izany dia hitanareo hoe firy taona izy. Ny Tompo dia namela azy ho velona, heveriko, teo amin'ny dimy amby valopolo taona teo, zavatra tahaka an'izany, nefà mbola lehilahy antitra iray mahery fo foana hatramin'ny nahafatesany.

⁵ Fony izy dimy amby fitopolو taona, mino aho fa izay ilay izy, izaho sy izy dia tao... Mino aho, tao amin'ny Edgemont Hotel tany Miami. Ary izahay dia naka ny—ny sakafô harivanay, dia nandeha nankeny amoron-drano masina izay nisy an'ireo onja tonga, mba handinika an'ilay volana izay niakatra. Ary izaho tamin'izany, dia teo amin'ny efapolo taona teo, ny soroko nilatsaka, nandeha tahaka an'izao. Fa izy, teo amin'ny dimy amby fitopolو taona teo, dia nahitsy tsara araka izay tratrany.

Dia njery azy aho, ary nidera azy. Dia hoy aho hoe, "Rahalahy Bosworth, te-hametraka fanontaniana iray aminao aho."

Hoy izy hoe, "Alefaso avy hatrany àry, Rahalahy Branham."

Dia hoy aho hoe, "Oviana no tena nampahatanjaka anao indrindra?"

⁶ Hoy izy hoe, "Izao ankehitriny izao." Eny, tamin'izay fotoana izay, dia nahatsiaro ho menatra ny tenako aho. Dia hoy izy hoe, "Adinonao fa izaho dia ankizy iray fotsiny, mipetraka ao amin'ny trano tranainy anankiray," hoy izy. Ary Rahalahy Bosworth izany.

⁷ Rehefa reko fa handeha hihona amin'ny Tompo izy, dia saiky narehitro mihitsy ireo kodiaran'ny fiarako, nandeha nankany Miami, mba hijery azy. Ary rehefa tonga tany izaho sy ny vadiko... Fa ny fianakaviana Bosworth sy ny fianakaviako dia tena mpisakaiza tokoa. Ary niditra izahay. Nandry teo ambonin'ny fandriana kely anankiray ilay patriarka antitra. Dia niarina izy, ilay loha keliny sola, kely, mahia ireo sandrin sy izay natsotrany tamiko, tahaka an'izao. Nikoriana teo amin'ny tavako ny ranomaso. Nofihiniko teo amin'ny sandriko izy, ary niantsoantso aho hoe, "Ry raiko, ry raiko, ireo kalesin'Isiraely sy ireo mpitaingin-tsoavaliny!" Satria, raha mba nisy lehilahy antitra anankiray izay hany nametraka fahamendrehana tao amin'ny hetsika Pentekotista, dia Rahalahy Bosworth izany. Tena izany tokoa izy. Voninkazo lehibe iray izy.

⁸ Ary fantatrareo, ny zavatra voalohany tiany natao, dia ny hiteny vazivazy kely iray tamiko, tahaka an'izany, fantatrareo.

Dia hoy aho hoe, "Rahalahy Bosworth, hiha-tsara ve ianao?"

⁹ Hoy izy hoe, "Tsia, Rahalahy Branham. Tsy marary aho, eto am-panombohana." Hoy izy hoe, "Handeha hody any an-Trano fotsiny aho."

Hoy aho hoe, "Eny, tena tsara izany."

¹⁰ Vao avy tany amin'ny saham-pitoriana tany Afrika izahay, izaho sy izy. Hoy izy hoe, "Antitra loatra fotsiny aho raha mbola hiaina ela." Hoy izy hoe, "Handeha hody any an-Trano aho."

Hoy aho hoe, "Rahalahy Bosworth, inona no hevitra hatoronao ahy mba hataoko?"

¹¹ Dia hoy izy hoe, "Mijanona miaraka amin'ny Filazantsara." Ary hoy izy hoe, "Miverena any amin'ny saham-pitoriana haingana arak'izay vitanao." Hoy izy, "Izany no ho toro-hevitro."

¹² Dia hoy aho hoe, "Rahalahy Bosworth, zavatra anankiray hafa izay tiako hanontaniana anao."

Hoy izy hoe, "Inona izany, Rahalahy Branham?"

¹³ Hoy aho hoe, "Ankehitriny, dia nahavita enimpolo taona ho an'ny Tompo ianao, tao amin'ny asa, na mihoatra angamba." Dia

hoy aho hoe, “Oviana ny fotoana tena nahafaly anao indrindra teo amin’ny fiainana?”

Hoy izy hoe, “Izao ankehitriny izao.”

Dia hoy aho hoe, “Rahalahy Bosworth, fantatrao ve fa ho faty ianao?”

¹⁴ Hoy izy hoe, “Tsy afaka ny ho faty aho. Efa maty taona maro lasa aho izay.” Ary izaho...Hoy izy hoe, “Rahalahy Branham, ilay notiaviko manontolo sy nokarakaraiko nandritry ny enimpolo taona lasa, dia miandry Azy aho mba hanokatra an’ilay varavarana amin’ny fotoana rehetra ka ho tonga, haka ahy.”

Nieritreritra aho hoe, *Ilay Salamon’Ny Fiainana*.

Ny fiainan’ireo lehilahy mahery dia
mampahatsiahy antsika rehetra
Fa isika dia afaka manao ny fiainantsika ho
ambony indrindra,
Amin’ny fisarahana, mamela aorantsika
An’ireo dian-tongotra eo amin’ny fasiky ny
fotoana.

Ary namela dian-tongotra tokoa izy, ho ahy.

¹⁵ Talohan’ny nahafatesany, na ha-...nidirany tany amin’ny Voninahitra, teo amin’ny adiny iray, na mihoatra angamba, talohan’ny nahalasanany. Toy ny hoe natory nandritry ny ora vitsy izy; ary ny vadiny, ireo zanany, ireo malalany dia nitsangana teo, dia nifoha ilay lehilahy antitra, njery manodidina, nitsangana, ary nihazakazaka eran’ny efitra, ka nandray tànana ny reniny izay efa maty nandritry ny taona maro, sy ny rainy. Ary nandritry ny adiny iray mahery, dia nandray tànana ny olona izy, nanao hoe, “Ity no Rahalahy John. Eny, nanatona an’i Kristy ianao tao amin’ny favoriako tany Joliet, Illinois. Ity no Rahalahy...” Nandray tànana an’ireo niova fo izy izay efa lasana, nandritry ny taona maro.

¹⁶ Izaho—izaho dia miteny aminareo, indraindray aho dia mino fa amin’ny ora izay hialantsika amin’ity tany ity ho ao amin’ny anankiray hafa, dia mino aho indraindray fa rehefa...Ilay renirano dia ho sarotra hiampitana, na izany aza, fantatrareo. Mino aho fa angamba ny Tompo dia miteny amin’ireo malalantsika hoe, “Midina eo amin’ny renirano dia tsenao eo izy ireo.” Fa tahaka an’izay nolazain’i Jakoba hoe, hangonina miaraka amin’ireo olontsika isika indray andro any.

¹⁷ Izaho koa dia miandry an’izany andro izany ho tonga. Ary amin’izay fotoana izay rehefa mifarana ny amiko miaraka amin’ity fiainana eto ity, na faranan’Andriamanitra ny amiko eto, ka hitako fa azoko ny manda rehetra arak’izay vitako, naniavatsiva teo amin’ireo làlan-tsilo rehetra, sy niakatra ny

havoana rehetra, dia te-hijery any aoriana aho, mba hahita hoe taiza aho, rehefa tonga eo amin'ilay renirano aho.

¹⁸ Nilaza foana aho, tahaka an'ireo olona mainty hoditra eto, manana hira kely izy ireo izay hirainy hoe, "Tsy mila olana aho eo amin'ilay renirano." Tiako hahitsy izany rehetra izany ankehitriny.

¹⁹ Angamba hamerina fotsiny an'ilay sabatra ao amin'ny tranony aho, dia hanala an'ilay fiarovan-doha, ka hametraka azy eo amin'ny moron-drano, ary hanangana ny tànako, sy hiantsoantso hoe, "Alefaso ilay lakan'aina, Ray. Hody any antranoo aho izao maraina izao." Ho eo Izy. Aza manahy. Mino an'izany aho. Neveriko fa izany no fanirian'ny fontsika tsirairay.

²⁰ Ankehitriny, tena tombontsoa lehibe tokoa ny tonga eto izao hariva izao miaraka amin'io pasitera maha-te-ho tia io sy ny fiangonany, ary ity asa mahafinaritra ity, ary ireo izay mitoetra ao amin'i Kristy, eto amin'ity faran'i Phoenix ity. Satria, marina tokoa, isika dia mpandalo. Mpivahiny sy vahiny isika eto. Mitady Tanàna iray isika.

²¹ Tahaka ny noresahako aninkeo maraina tany amin'ny tabernaklan-dRahalahy Fuller, mikasika an'ilay Taranaka Mpanjaka. Ankehitriny, raha manana milina fandraisam-peo ianareo, izaho dia tsy mbola nilaza mihitsy. Saingy nisy zavatra niseho aninkeo maraina, izay izaho... Raha manana milina fandraisam-peo ianareo, raha mahazo ny anankiray amin'ireo horonam-peo ianareo, dia azoko antoka fa hankasitraka an'ilay izy ianareo. Manana azy ireo i Rahalahy Maguire, dia *Ilay Taranaka Mpanjaka An'I Abrahama*.

²² Hitanareo, Isaka no taranak'i Abrahama, izay Jiosy, ara-nofo. Saingy ilay Taranaka Mpanjaka kosa dia Kristy, tamin'ny alalan'ny teny fikasana, ary izany Kristy izany no Tenin'Andriamanitra natao voaseho. Ary izany no ao anatin'ny fontsika anio raha isika... "Raha Izaho... Raha mitoetra ao Amiko ianareo, ka ny Teniko ao aminareo, dia angataho izay tianareo, fa hatao aminareo izany."

²³ Ankehitriny, nilaza an'izany aho, ny amin'i Phoenix, matetika hatramin'ny naха-teto ahy... Ny nahatongavako voalohany dia dimy amby telopolo taona lasa izay. Ary tany amin'ny faha-16 sy Henshaw, no nipetrahako, niasako tao Circle R Ranch teto, any Wickenburg any. Ary nandeha niaraka tamin'ny tovovavy kely iray aho nankany amin'ny faha-16 sy Henshaw. Nandeha nitady an'ilay toerana aho indray andro, ary tsy Henshaw intsony akory aza ilay izy. Buckeye ilay izy ankehitriny. Ary tanàna lehibe mihitsy ilay izy ao amin'ilay faritry ny tanàn-dehibe eto Phoenix. Tena niova tokoa ny zavatra rehetra.

²⁴ Ary izaho sy ny vadiko dia niakatra tany amin'ny South Mountain, mba hijery an'i Phoenix avy eny. Dia nieritreritra

aho fa, teo amin'ny telon-jato taona lasa teo izay, dia mety ho tsy nisy na inona na inona teto afa-tsy amboadlia, raketa, sy ny sisa. Fa ankehitriny dia tanàna lehibe fatratra ilay izy. Ankehitriny, hoy aho hoe, "Malala, niova ve izy ity sa simba? Afaka mampiasa an'izay safidinareeo ianareo. Ho ahy, dia simba izy ankehitriny. Satria, ireto tranobe sy fanorenana lehibe ireto dia ho tsara raha mandeha mandroso-sy-miverina eny an-dàlambe ireo lehilahy sy vehivavy, miaraka amin'ny tànany mitsangana ho an'Andriamanitra, midera an'Andriamanitra, ary ireo rahalahy sy anabavy miaina tahaka an'izany; raha tokony hisotro, hiloka, hifoka, handainga, hangalatra, ireo boatin-dabiera, ny zavatra rehetra izay ratsy. Eo afovoan'izany rehetra izany, na dia . . ."

Dia hoy ny vadiko tamiko hoe, "Noho izany, ry Billy, inona ary no maha-eto anao?"

²⁵ Hoy aho hoe, "Saingy, malala, hatramin'izay nipetrahantsika teto izay, dimy ambin'ny folo minitra izao, firy ireo lainga izay voateny nanerana an'ity lohasaha ity? Fianianana firy izay no natao, tsy misy vokany tamin'ny Anaran'ny Tompo? Sigara firy, fisotroana whisky firy, fiangajangana firy no natao, ary manerana ny rehetra eto, tao anatin'izay vetivety kely izay fotsiny, tamin'ny naha-teto antsika?"

Hoy izy hoe, "Tsy mampahatahotra ve izany?"

²⁶ Fa hoy aho hoe, "Izao no maha-eto antsika, malala. Vavaky ny finoana firy izay no niakatra hatramin'ny naha-teto antsika? 'Ianareo no Fahazavan'izao tontolo izao.' Izany no maha-eto antsika, dia ny hametraka ny sorontsika amin'ireto fiangonana kely eto ireto, hanao ny zavatra rehetra izay azontsika atao, hanampy azy handroso. Mba ho ny . . ."

²⁷ Ianareo rehetra, ianareo masina, dia fitahiana iray ho ahy. Antenaiko fa izaho dia ho fitahiana iray ho anareo, raha mamangy eto. Ary izaho, rehefa hitako fa tsy maintsy hamangy an'ireo anaram-piangonana sy rafi-pandaminana samihafa aho, ary—ary ireo fiangonana samihafa, sy ny sisa, ireo rahalahy manerana ny lohasahan'i Phoenix eto, dia nientantana ny foko. Izany dia mialohan'ilay favoriana izay tsy maintsy hiresahako, ao amin'ny favorian'ny Christian Business Men, ataoko fa, amin'ny sakafio marainy Sabotsy maraina, ary avy eo dia amin'ny favorian'ny Alahady tolakandro, manaraka, ny Alahady manaraka. Ary tombontsoa anankiray foana ny mihaona amin'ireo rahalahy ireo. Ataoko fa manana sezao eo amin'ny dimanjato sy roa arivo eo izy ireo any. Misy efitra misy sezao ho antsika rehetra. Ary manantena ny hihaona aminareo any izahay.

²⁸ Ary avy eo dia hanana an'io fotoan'ny fiombonana io, handeha hitety fiangonana, dia hiresaka. Ataoko fa nitory teny

aho aninkeo maraina hany ka nitory teny naha-farim-peo ny tenako, nandritry ny adiny iray sy sasany teo. Ary anankiray fohy izany. Izaho mazâna dia tsy mahatapitra an'izany alohan'ny ora telo na efatra, any—any amin'ny fiangonanay. Izaho fotsiny... Izaho dia tsy mpitoky teny anankiray. Noho izany aho—aho dia manao hiakam-pifaliana fotsiny ho an'ny Tompo. Tiako loatra mihitsy ny manao an'izany. Izaho—izaho dia mihevitra fa tiako izany, hany ka manohy manao an'ilay izy fotsiny aho. Efa nahazo fanamarihana efatra na dimy samihafa aho, mihazona ny olona ela loatra aho, noho izany dia fantattro fa marina izany. Ary izao hariva izao, am-pahitsim-po, dia hivoaka eto alohan'ny amin'ny iray ora isika. Izaho, izaho dia saiky hanome toky anareo amin'izany mihitsy. Izaho fotsiny, saiky... Fihetseham-po ara-panahy anankiray tahaka an'izao, ary ny zavatra rehetra dia tena maha-te-ho tia, dia azoko antoka fa hanana fitahiana iray ho antsika ny Fanahy Masina.

²⁹ Ankehitriny, ankehitriny dia tsy nanana asam-panasitranana aho tao amin'ireo favoriana. Izaho... Hariva anankiray, tany amin'ny rahalahy... Ny Anaran'i Jesosy, iza moa ilay pasitera? Rahalahy Outlaw. Fianganan-dRahalahy Outlaw, nisy maro tany no nila nivavahana. Ary nasaiko nanome karatra fangataham-bavaka ny zanako. Ary avy eo ny hariva vitsivitsy, dia nirotsaka tao amin'ilay tranobe ny Fanahy Masina, hany ka... Ianareo rehetra dia mahafantatra. Tany amin'ireo favoriako ianareo. Ianareo rehetra dia tany. Nahita ianareo hoe ahoana ilay famantarana, sy ny sisa. Saingy voamariko ankehitriny fa mahavory marobe mba hivavahana ilay izy. Ary voamariko fa ny voalohany, dia nanomboka ny Alarobia sy Alakamisy. Nihevitra aho fa hiandry hatramin'ny aorian'ny Alahady, satria raha manana asam-panasitranana ianareo ao amin'ny fiangonana...

³⁰ Hitanareo, izaho—izaho dia nilaza na taiza na taiza nalehako tamin'ny olona rehetra mba hipetraka eo amin'ny toeran'andraikitareo ny Alahady, hitanareo. Ireo favoriana manokana ireo dia famangiana fotsiny an'ireo rahalahy. Ary izahay—izahay dia mila ny olona rehetra hihazona ny toeran'andraikitareo, satria ny pasiteranareo dia miandry anareo, ary eo amin'izany no tokony hisy anareo.

³¹ Koa noho izany—noho izany dia heveriko, fa rahampitso hariva, raha sitraky ny Tompo, izaho tsy... Tokony ho aiza isika rahampitso hariva? [Hoy ny rahalahy anankiray hoe, "Any Tempe, any amin'ny fiangonan-dRahalahy O'Donnell."—Mpand.] Rahalahy O'Donnell, any Tempe, Arizona. Ankehitriny, raha toa ianareo tsy manana mihitsy—mihitsy zavatra manokana hatao amin'ny fiangonanareo, dia ento ny olona marary, nahoana, hivavaka ho an'ny marary aho, rahampitso hariva, hanana fotsiny an'ilay laharam-bavaka mahazatra, hivavaka ho an'ny marary, angamba—angamba ny

Alatsinainy, Talata. Aleo ho jerentsika, izaho dia natao... Tsy fantattro. Hanana fiangonana ve aho ny Alarobia hariva ihany koa? [“Eny.”] Alarobia hariva. Noho izany ilay izy...

³² Ary manomboka amin’ny Alakamisy ilay izy, marina ve izany, ilay favoriana? [Hoy ny rahalahy anankiray hoe, “Izaho toa ohatra ny manana zavatra...?... favoriana.”—Mpand.] Eny àry, rahalahy. Hanao ny filazana izy ankehitriny. [“Hitanareo, eto isika anio hariva. Ary rahampitso hariva isika dia ho any amin’ny Assemblée de Dieu any Tempe. Ary avy eo dia ny Mountain View any Sunnyslope ny faha-telo amby roapol. Ary avy eo dia ao amin’ny Central Assembly ny faha-efatra amby roapol.”] Eny àry, tsara izany. [“Tsy mety tадidiko, izaho manokana. Toa ohatra ny afangaroko ilay izy.”] Aza mieritreritra an’izany.

Niresaka aho indray andro, mikasika ny hoe, “Tsy mety tадidiko.”

³³ Ary niteny tamiko Rahalahy Jack Moore, nanao hoe, “Mihevitra ve ianao fa marary?” hoy izy.

³⁴ Hoy aho hoe, “Rahalahy Jack, manomboka miresaka aho, dia tsy mety tадidiko fotsiny izay noresahako.”

³⁵ Hoy izy hoe, “Aza mieritreritra hoe ratsy izany.” Hoy izy, “Miantso amin’ny telefona aho, miantso olona anankiray, manao hoe, ‘Inona no ilainao?’” Eny, izany no tena ratsy!...?... Oh!

³⁶ Noho izany, oadray, toa ohatra ny vazivazy izany, izay tsy heveriko fa tokony ho lazaina eto amin’ny polipitra eto. Saingy ireo zanak’Andriamanitra dia zanaka faly fotsiny, na izany aza, fantatrareo, noho izany isika—isika dia tia an’izany fotsiny. Heveriko fa karazan’ny mahafatifaty izany.

³⁷ Ianareo rehetra, maro aminareo, no mahafantatra andRahalahy Jack Moore. Izy dia avy any Shreveport, Louisiana, Life Tabernacle, rahalahy tena mahafinaritra. Ary dia izy no niteny tamiko an’izany. Izy dia mpanao trano, ihany koa.

³⁸ Hoy izy hoe, “Aza mieritreritra hoe ratsy izany, Rahalahy Branham.” Hoy izy, “Niantso olona anankiray aho indray andro, ary niantso ny nomeraony.” Dia hoy izy, “Namaly izy ireo, nanao hoe, ‘Manao ahoana.’ Hoy aho hoe, ‘Eny, inona no ilainao?’”

Nieritreritra aho hoe, “Eny, izany no tena midina ambany, Rahalahy Jack.”

³⁹ Koa ankehitriny, dia heveriko fa ho tsara ilay izy, ary ireo sakaiza izay mila hivavahana, sy hitondra an’ireo olony marary, dia hivavaka ho azy ireny isika.

⁴⁰ Ankehitriny, izao hariva izao, dia nieritreritra aho ny amin’izay ho lazaiko ety ambony ety izao hariva izao ao amin’ity fiangonana kely maha-te-ho tia ity. Nieritreritra aho hoe, “Eny, tsy fantattro hoe inona.” Tsy mantsy haka lahateny kely iray fotsiny ihany aho, ary matoky fa ny Tompo no hanafango an’ireo teny any ho any, ka hamela an’ilay izy

hilatsaka any amin'izay hanampiany ny olona. Mba ho... Tsy manandrana maka lahateny iray mihitsy aho. Miezaka foana aho ny hahatsapa ho voatarika, dia manoratra andiany iray an'ny Soratra, sy ny sisa. Ary—ary avy eo, raha hafa no itarihan'ny Tompo, amin'izay fotoana izay dia mandeha araka ny Itarihany fotsiny aho. Ary neveriko fa izany no fomba tokony hataontsika rehetra. Sa tsy izany? Manao an'izany fomba izany.

⁴¹ Ary ankehitriny dia misy zavatra anankiray izay—izay ti—tiako, ny fiangonana tsirairay hilaza an'izao amin'ilay vatana tsirairay ao an-toerana. Ary izany dia, fa raha... Rehefa avy nivavaka ho an'ny pasiteranareo ianareo sy ireo malalanareo, dia aza adino aho, satria fantattro, isan'andro, mihoatra noho ny hatramin'izay, fa midina mankany amin'ny faran'ny lalana isika.

⁴² Vao avy nandevina ny reniko aho, herinandro vitsy lasa izay. Ary nihazona azy tamin'ny sandriko aho mandrapakan'Andriamanitra ny fofon'ainy sy ny fanahiny ho any Andanitra. Nandinika an'io fahafatesan'ny vehivavy mahery fo feno ny Fanahy Masina io aho, ary nahita azy tonga mihitsy teo amin'ny faran'ny lalana. Nieritreritra aho hoe, "Oh, izaho—izaho dia tsy maintsy hanao ny reny rehetra ho tahaka an'izao mihitsy. Tsy maintsy manao zavatra aho mba hitondra... hanao izay azoko atao, mba hitondra ny olona hahita hoe inona marina no dikan'ilay izy."

⁴³ Ary, ry sakaiza, resy lahatra aho fa mety ho lalina kely ilay izy. Ary neveriko fa isika dia mandray an'ilay izy ho maivana loatra noho ilay tena maha-izy azy. Neveriko fa tokony ho tsaroantsika. Raha tena masina Andriamanitra hany ka na ireo Anjely aza dia toa maloto eo imasonry, dia toy ny ahoana isika? Hitanareo? Marina izany. Noho izany dia mila mahatsiaro isika. Ary tsarovy, fa mipetraka any amin'ny Mandrakizay lavitra any Andriamanitra, izany dia any ankoatry ny famirapiratan'ny masoandro rehetra ao amin'ilay fihodin'ny masoandro. "Masina, masina, masina," ireo Anjely miaraka amin'ny elatra manarona ny endrin, sy manarona ny tongony, manidina eo amin'ny Fanatrehany, miantsoantso hoe, "Masina." Tokony ho inona isika? Noho izany isika... Izany no ezahantsika hatao.

⁴⁴ Ary—ary tsapako fa izany, ilay Fanjakan'Andriamanitra, dia tahaka ny lehilahy anankiray izay naka ny haratony dia nandeha tany an-dranomasina, hoy Jesosy, ka nanipy azy. Ary rehefa nisarika izy, dia nahazo karazany maro. Saingy ilay trondro tsara kosa, mazava ho azy, no notehirizina; fa ireo fakofakontondro dia niverina tany anaty rano, toy ny orambato, sy—sy bibilava, androngo, ary bibilavan-drano, sy ny sisa. Fa ilay haraton'ny Filazantsara no nahazo azy rehetra. Ary isika dia... Hisy andro iray indray andro any izay hanipazantsika ny haratontsika farany, Rahalahy Adams. Marina izany. Tsy ianareo na izaho no hiteny hoe iza no trondro ary iza no tsy

izy. Tsy mahafantatra isika. Manipy fotsiny an'ilay harato isika dia misintona azy. Izay ihany. Andriamanitra no mahafantatra ny Azy. "Ireo izay efa Fantany mialoha, no Nantsoiny; ary ireo izay Nantsoiny, no Nohamarininy; ary ireo izay Nohamarininy, no Nomeny voninahitra." Noho izany dia miandry isika, manipy fotsiny an'ilay harato. Ary tombontsoa ho ahy izao hariva izao ny mitsangana eto amin'ity fiangonan-dRahalahy Edward ity mba hanampy hanipy an'ilay harato eto amin'ity toerana ity, mba hahita raha mba misy trondro izay azon'Andriamanitra ho an'ny Fanjakany.

⁴⁵ Ankehitriny, mialoha mihitsy ny hamakantsika ny Teny, dia ndao isika hiresaka amin'ilay Mpanoratra ny Teny vetivety fotsiny raha manondrika ny lohantsika isika.

⁴⁶ Miaraka amin'ny lohantsika miondrika, ao amin'izao fahamasinan'ity fotoana ity izao, izay hanatonantsika ny Tenin'ilay Andriamanitra velona, dia Andriamanitra izany, dia manontany tena aho raha misy olona ato izay manana fangatahana ao am-pony, ka tian'izy ireo ny ho tsarovana ao anatin'izao vavaka izao. Aoka ho fantatra izany amin'ny alàlan'ny tànana mitsangana.

Tompo Jesosy, jereo ny mpanatrika, amin'ny fahafantarana ny fo tsirairay.

Misaotra.

⁴⁷ Andriamanitra mpiahy sy masina indrindra, ilay Tsitoha, El Shaddai, izay niseho tamin'i Abrahama tamin'ny Anarana hoe "ny Tsitoha, ilay Andriamanitra manana nono, ilay Mpanome hery, ilay Mpamelona ny malemy," tongava eto aminay izao hariva izao, Ray. Ary fantatray ny fahalemenay sy ny fahadisoanay. Miaiky ny fahotanay eto Anatrehanao izahay, ary mametraka azy ireny eo amin'ny Alitaranao varahina an'ny fitsarana, ka mangataka mba ny Ràn'i Jesosy Kristy no hanaisotra azy ireny, ao amin'ilay fanatitra izay ataonay. Ekeo izany, O Andriamanitra.

⁴⁸ Atolotray ny fiainanay sy izay rehetra anananay, ary kely toy ny ahoana moa ny talenta nomena anay. Tompo, ampiasao izany ho an'ny voninahit'r'Andriamanitra.

⁴⁹ Tahio ity fiangonana ity, ny pasiterany maha-te-ho tia, ireo diakona, ireo mpandraharaha, ary ny mpanolo-tsaina rehetra, sy ny mambra tsirairay izay tonga ato amin'ity fiangonana ity izay antsoina hoe "Fellowship." Andriamanitra, mivavaka aho mba ny lehilahy sy ny vehivavy, raha miditra eo amin'ilay varavarany'ity toerana ity izy ireo, mba ho eo ambanin'ny faharesen-dahatra izy ireo noho ilay lamina maha-te-ho tia an'ny Fanahy Masina ato anatin'ny tranobe. Ekeo izany, Tompo.

⁵⁰ Mamelà ny fahotanay, sy ny fandikan-dalànanay, mangataka indray izahay. Tsarovy ireo izay nanangana ny tànany. Ao ambany lalin'io tànana io, Tompo, dia misy fo

iray mangataka zavatra avy Aminao, ary angamba mety ho Ianao irery ihany no afaka hanome an'izany. Mivavaka aho mba Hanekenao an'izany, Ray. Na inona na inona ilain'izy ireo, dia omeo azy ireo amin'ny fahabetsahana izany. Raha misy marary ao, Tompo, dia sitrano izy ireo. Raha misy lavo teny amoron-dàlana, dia ampaherezo izany anankiray izany, izany lohalika malemy izany. "Ny zozoro folaka, dia tsy Hotapahiny, na ny lahan-jiro manentona dia tsy Hovonoiny." Ary fantatray fa tsy Hihodinany mihitsy ny zozoro folaka; Hamboariny izany. Ary mivavaka aho, Ray An-danitra, raha misy fanahy potika eto, na-na kivy, na tånama malemy miraviravy, sy lohalika mivonto, enga anie izy ireo ho tafatsangana izao hariva izao, Tompo. Enga anie ny Fanahy Masina ho avy ka hanasitrana ny fonay sy ny fanahinay, ary ny vatanay ara-nofo, ka hanome Azy ny fiderana rehetra ny amin'izany izahay. Mangataka an'izany amin'ny Anaran'i Jesosy izahay. Amena.

⁵¹ Raha tianareo ny hamadika ao amin'ny Soratra, mandritry ny firesahana telopolo minitra eo ho eo, dia tiako ianareo hamaky miaraka amiko ny avy ao amin'ny bokin'ny Apokalypsy, ny toko faha-19. Ary tiako ny hamaky hatrany amin'ny andininy faha-7, manontolo.

Rehefa afaka izany zavatra izany dia nahare feo mahery aho an'ny vahoaka betsaka tany an-danitra, nanao hoe, Haleloia; Ny famonjena, . . . ny voninahittra, sy ny haja, ary ny hery, an'ny Tompo Andriamanintsika:

Fa marina sy mahitsy ny fitsarany: fa nitsara an'ilay vehivavy janga lehibe izy, izay nandoto ny tany tamin'ny fijangajangany, ary dia namaly ny rân'ireo mpanompony teny an-tanany.

Ary niteny indray izy ireo hoe, Haleloia. Ary ny setrony dia niakatra mandrakizay mandrakizay.

Ary ny loholona efatra amby roapolosy ny zavamanan'aina efatra dia niankohoka ary nivavaka tamin'Andriamanitra izay nipeetraka teo ambonin'ny sezafiandrianana, nanao hoe, Amena; Haleloia.

Ary nisy feo nivoaka avy teo amin'ny sezafiandrianana, nanao hoe, Miderà an'Andriamanintsika, ianareo mpanompony rehetra, sy ianareo izay matahotra azy, na ny kely na ny lehibe.

Dia nandre feo tahaka ny an'ny vahoaka betsaka aho, sy tahaka ny feon'ny rano be, ary tahaka ny feon'ny kotorokorana mafy, nanao hoe, Haleloia: fa ny Tompo Andriamanitra tsitoha no manjaka.

Aoka isika hifaly sy hiravoravo, ka hanome voninahittra azy: fa tonga ny fampakaram-badin'ny zanak'ondry, ary efa nanomana ny tenany ny vadiny.

⁵² Tiako ny hiresaka izao hariva izao ny amin'ny lohahevitra hoe: *Ny Fampakaram-badin'Ny Zanak'ondry*, mandritry ny fotoana vitsy fotsiny mba... Efa tena mahazatra antsika ity Soratra ity. Tsy isalasalana fa ny pasiteranareo maha-te-ho tia dia efa nikasika an'ity lohahevitra ity im-betsaka.

⁵³ Ary, izany, dia fantatsika fa hisy Ampakarina iray, ary hisy sakafon'ny mpanambady iray any an-danitra. Izany dia tena azo antoka mihitsy, tahaka ny fisian'Andriamanitra, satria Teniny izany. Ary fantatsika fa ireo izay hanao an'io Ampakarina io dia ho ilay Fiagonany, ary hiseho eo Anatrehany izy ireo tsy misy pentina na fiketronana. Ary manana an'ilay fitaovana izy ireo eto an-tany hanaovan'izy ireo ny tenany ho vonona. Raha voamarikareo, dia hoy Izy hoe, "Efa nanao ny tenany ho vonona izy."

⁵⁴ Maro no manao hoe, "Raha esorin'ny Tompo amiko ity fanahy ratsy ity, ny amin'ny fisotroana, na ny amin'ny filokana, na ny amin'ny fandaingana, na ny amin'ny fangalarana, dia hanompo Azy aho."

⁵⁵ Saingy miankina aminareo izany. Hitanareo, ianareo dia tsy maintsy manao zavatra anankiray, ihany koa. "Ireo izay mandresy no handova ny zavatra rehetra." Ireo izay mandresy. Manana ny hery hanaovana an'izany ianareo, saingy tsy maintsy manaiky ny hamela an'izany ianareo. Hitanareo? "Efa nanao ny Tenany ho vonona Izy." Tiako io Teny io.

⁵⁶ Hitanareo, Andriamanitra dia tsy afaka ny hanosika antsika ao anatin'ny fantsona kely anankiray, hisintonia antsika hivoaka any amin'ilay tendroney ilany, ary avy eo dia hiteny hoe, "Sambatra izay nandresy." Tsy nanana na inona na inona ho resena ianareo; nanosika anareo tao fotsiny Izy. Fa ianareo kosa no tsy maintsy mandray fanapahan-kevitra ho an'ny tenanareo. Tsy maintsy mandray ny fanapahan-kevitra ho an'ny tenako aho. Ary eo am-panaovana an'izany, dia maneho ny finoantsika isika sy ny fankatoavantsika an'Andriamanitra.

⁵⁷ Abrahama dia nampanantenaina zaza anankiray, saingy tsy maintsy nikojakoja an'izany fampanantenana izany izy nandritry ny dimy amby roapololo taona, ireo ambony-sy-ambony izay nananany, sy ireo fakam-panahy, tao anatin'ireo dimy amby roapololo taona ireo. Saingy nifikitra teo amin'ilay tenin'ny fampanantenana izy.

⁵⁸ Ary Isirael dia nampanantenaina tany nampanantenaina iray, saingy tsy maintsy niady izy ireo isaky ny irain-jehy tamin'izany. "Na aiza na aiza tany hitsahan'ny tongotrareo, dia izany no Omeko anareo," hoy Andriamanitra tamin'i Joso. Efa teo izany rehetra izany. Efa teo ilay tany, ary efa nomen'Andriamanitra azy ireo ilay izy, saingy tsy maintsy miady ho an'izany izy ireo.

⁵⁹ Mitovy amin'izany ny mikasika ny fanasitranana avy amin'Andriamanitra. Manana ny hery hanasitrana anareo Andriamanitra, raha manana fahasahiana hanaiky an'izany ianareo, saingy hiady ny irain-jehy amin'ilay lèlana ianareo.

⁶⁰ Manana an'ilay fahasoavana mahagaga hamonjy anareo Andriamanitra, ary Hataony izany, saingy hiady ny irain-jehy amin'ny lèlanareo ianareo.

⁶¹ Teto aorian'ny polipitra aho, efa ho iraika amby telopolo taona izao, fa ny irain-jehy amin'izany dia ady iray, hatrany. Tena izany tokoa ilay izy.

⁶² “Fa tsy maintsy miady isika raha tsy maintsy hanjaka.” Noho izany dia hitantsika fa ilay Ampakarina dia tsy maintsy manao ny Tenany ho vonona. “Manaiky ny hanaisotra izay rehetra mitambesatra izay malaky mahazo antsika, mba hahafahantsika mihazakazaka amin’ny faharetana an'ilay hazakazaka izay napetraka eo anoloantsika.” Tsy maintsy manaisotra an'ireny isika, isika ihany. Isika tsy afaka manao hoe, “Andriamanitra, tongava Ianao, esory ho anay ireny.” Isika no tsy maintsy manao an'izany, isika ihany.

⁶³ Ankehitriny, tiako ny mieritreritra an'ireo fampakaram-bady. Efa mba nanana tombontsoa tamin'ny fanaovana fanambadian'olona vitsivitsy aho. Ary nieritreritra aho, rehefa nitondra tovolahy iray sy tovovavy iray teo amin'ny alitara aho, ka nahita azy ireo nanivatsiva an'ilay fiangonana; ary izy, dia tsara tarehy nanao an'ireo akanjon'ny mpanambady, sy ilay voaly teo amin'ny tarehiny ary nihantona teo; ary ilay mpampakatra, nahitsy, niakanjo tsara tarehy; sady tanora no feno tanjaka, raha nandeha teo izy ireo tao anatin'ny tsara indrindra teo amin'ny fiainany, ka nanao an'ilay voadim-panambadiana, heveriko fa misy zavatra anankiray mamy mikasika an'izany. Misy zavatra anankiray masina ao, satria dia mampahatsiahy ahy izany fa hisy fampakaram-bady anankiray lehibe indray andro any, rehefa hamindra eo amin'ireo lalantsaran'ny Vôninahitra ilay ampakarin'i Kristy.

⁶⁴ Ilay Mpampakatra dia hanana ny zavatra rehetra efa vonona. Hisy ny fampakaram-bady iray sy ny sakafio iray. Toy ny ahoana no itiavantsika mieritreritra fa hipetraka manodidina an'ilay latabatra hifanatrika, ka hifandray tânana amin'ny hafa, ary ireo ranomaso no hikoriana eo amin'ny tavantsika. Ary ny mieritreritra, fa ho tonga eo Izzy, hamafa ny ranomaso rehetra eo amin'ny masontsika, hanao hoe, “Aza mitomany. Mifarana ny rehetra ankehitriny. Midira amin'ny fifalian'ny Tompo izay nomanina ho anareo hatramin'ny fanorenana an'izao tontolo izao.” Oh, rahalahy, hanao antsika hifankatia bebe kokoa izany.

⁶⁵ Heveriko fa izany ilay olana amin'ny Fiangonana, ilay Ampakarina amin'izao andro izao, izay vita avy ao amin'ny fiangonana rehetra izay mino an'i Kristy. Tsy ilay tranobem-

piangonana no izy, na ilay rafi-pandaminana na ilay anaram-piangonana, fa izany dia ny isam-batan'olona izay ao anatin'ilay fiangonana no manao an'ilay Ampakarina.

⁶⁶ Manana sakaiza tsara anankiray aho any Louisville, Kentucky, Dr. Wallace Cauble, izay mpitoriteny iray an'ny Fianganan'i Kristy, ary niditra izy ka nandray ny Fanahy Masina, ary mitandrina ny anankiray amin'ireo fiangonana malaza, lehibe indrindra ao Louisville, ilay fiangonan'ny Varavarana Misokatra. Izy dia tena sakaizako sarobidy tokoa. Andro vitsivitsy lasa izay, dia nitsangana teo an-dàlambe aho, ary nahita azy nidina an'ilay lèlambe. Ary tia azy foana aho, ary izy tia ahy.

⁶⁷ Saingy indray andro dia nahazo fandidiana kambon-tenda izy, ary dia nandeha rà be izy. Ary nataon'izy ireo tao amin'ny Saint Joseph Hospital izy, ary nilaza izy ireo fa ho faty izy. Dia niantso ahy Rtoa. McSpadden, nanao hoe, "Dr. Wallace Cauble." Tsy mbola nahafantatra azy aho, saingy fantattro fa nisy ny fiangonana lehibe iray an'ny Varavarana Misokatra. Hoy izy, "Ho faty izy. Ireo dokotera dia efa nanome azy an'ireo tsindrona, sy ny sisa hafa rehetra. Nasian'izy ireo zaitra tao. Mbola mandeha rà hatrany izy, ary tsy vitan'izy ireo ny nampijanona an'ilay rà. Tsy mety mivaingana ilay ràny, ary, fantatراء, mba hampijanona an'ilay fivoahan-drà." Ary hoy izy, "Manana an'ireo misionera izy ireo ato, fa tian'izy ireo ianao ho tonga, hivavaka ho azy."

⁶⁸ Eny, efa nandre ny amin'i Dr. Wallace Cauble aho, ary noho izany dia somary niahotra kely aho, saingy nandeha tany aho. Ary rehefa njery tao amin'ilay efitry ny hopitaly aho, dia teo ireo misionera sy ireo mpitoriteny malaza, tao izy rehetra, nitomany sy nivavaka. Dia nieritreritra aho hoe, "Oh, oadray! Izaho izay bitika kely ity, holy-roller kely, ve hiditra ao? Tsaratsara kokoa ho ahy ny mijanona eto ivelany eto." Noho izany dia nidina tao ambadik'ilay milin'ny Kóka aho tao amin'ilay efitra malalaka. Nivavaka tamin'Andriamanitra aho, mba-mba hampijanona an'ilay rà, ho an-dRahalahy Cauble. Niverina aho ary lasa nivoaka.

⁶⁹ Vao tonga tany an-trano aho, teo amin'ny dimy ambin'ny folo minitra teo, dia naneno indray ny telefona, ary te-hahafantatra izy ireo hoe inona ilay fahatarako, ka tsy nahatonga ahy tany. Dia hoy aho hoe, "Izaho—izaho dia efa tonga. Saingy nisy betsaka loatra tao anatiny tao. Izaho—izaho dia nahatsapa mihitsy fa tsy voatarika hiditra tao, angamba, hitanareo, nisy betsaka loatra, ireo mpitoriteny lehibe tao anatiny tao."

⁷⁰ Avy eo dia hoy izy hoe, "Tongava izao ankehitriny izao." Hoy izy, "Tsy afaka ny ho velona ela intsony ilay lehilahy."

⁷¹ Noho izany aho dia niverina tany, indray. Ary rehefa niditra tao aho, dia niezaka ny hahazo anabavy Katolika iray izy

hanaiky an'i Kristy ho Mpamonjy manokana; ary nandeha rà izy, ka nifantsitsitra avy teo amin'ny vavany ny rà. Niditra aho.

Dia hoy izy hoe, "Manao ahoana ianao?"

⁷² Dia hoy aho hoe, "Manao ahoana ianao?" Nipetraka teo ambonin'ny fandriana izy, ary nikohaka tahaka an'izao, ary nivoaka ny rà.

Dia hoy izy hoe, "Iza no anaranao?"

Dia hoy aho hoe, "Izaho no Rahalahy Branham."

⁷³ Ary nanomboka nitomany izy, nametraka ny sandriny nanodidina ahy. Nandohalika teo aho.

⁷⁴ Ankehitriny, Dr. Wallace Cauble izany, avy ao amin'ny fiangonan'ny Varavarana Misokatra ao Louisville. Andefaso taratasy izy. "Nijanona tamin'izany segondra izany mihitsy ilay rà." Tsy nihetsika intsony ilay izy, hatramin'i. Hitancareo? Ary lasa tena, tena mpisakaiza tsara izahay nanomboka tamin'izany. Ary indray andro, dia nihaona taminy aho. Ary hoy izy hoe . . .

⁷⁵ Oswald J. Smith, maro aminareo no mahafantatra andRahalahy Smith. Misionera malaza anankiray izy, ary tonga tany amin'i Rahalahy Cauble izy, satria tena tiany tokoa izy. Hoy izy hoe, "Rahalahy Cauble, fantatrao," hoy izy hoe, "Izaho . . ." Misy zavatra anankiray mikasika ny vadiny. Hoy izy hoe, "Fony aho vao nanambady voalohany," hoy izy, "dia toa tsapako, eny, fa raha manao fahadisoana aho, izaho dia, oh, izaho dia afaka maka anankiray hafa," satria tanora izy. "Saingy," hoy izy, "taorian'ny nahatongavan'ireo zaza," hoy izy, "dia karazany sarotra ilay miala aminy. Fa rehefa eo amin'ny dimampolo taona eo ianao, dia tsy vitanao mihitsy ny miala aminy. Ary arakaraky ny maha-antitra anao, nahoana, ianao—iana no mahatsapa an'izany."

Hoy aho hoe, "Ataoko fa saiky marina izany." Izaho dia . . .

⁷⁶ Teo no nivoaka ilay lohahevitra mikasika ny, fantatrareo hoe ahoana no fiantsenan'ireo ramatoa, ary teo ny vadiko. Ary mpanjakavavy amin'izany rehetra izany izy. Laniany any ny fotoana rehetra. Efa mila hahafaty ahy mihitsy ireo tongotro mahatonga, eny an-dàlambe mandeha mihindinkodina miaraka aminy. Ary niteny tamiko izy, nanao hoe, "Eny, tsy vitanao mihitsy ilay miala aminy." Ary izay no nahatonga an'ilay fanamarihana ho tonga.

⁷⁷ Rehefa nody tany an-trano aho, dia nipetraka tao amin'ilay efitra tao aho, nieritreritra hoe, "Marina izany." Nampihariko tamin'ny zavatra hafa ilay izy.

⁷⁸ Fantatrareo, vao niova fo voalohany aho tao amin'ny . . . lasa mpitoky teny Misionera Batista, dia nieritreritra aho hoe, "Raha tsy Batista ny olona anankiray, dia tsy voavonjy mihitsy izy. Izay ihany ny amin'izany." Dia nitondra Baiboly iray tao ambanin'ny sandrisko aho, ary nihevitra aho fa ny Tompo dia niantso ahy hanao ny olona rehetra ho Batista. "Ary ny olona rehetra izay tsy

nino mihitsy tahaka ny ninoan'ireo Batista, dia tsy ao anatin'ilay sary mihitsy izy ireo."

⁷⁹ Rehefa nandeha ny andro, dia nieritreritra aho fa izaho no tsy maintsy hanao an'ilay asa rehetra, izaho irery. Ary farany dia nahita aho, nahamarika rahalahy anankiray aho izay nanana fiangonana iray, pasitera iray. Niezaka ihany koa izy, mafy noho izay vitako mihitsy. Na izany aza, dia mba mitatra kely mankany aminy ihany koa ilay bodoftosy, fantatrareo.

⁸⁰ Avy eo dia hitanay, fa nifampila izahay. Ary ankehitriny, taorian'ny nanombohanay nahatratra an'io halavirana io, dia toy ny sarotra fotsiny ilay mifampiala. Izay ihany. Tsy maintsy mifampila mihitsy izahay, izay. Ary mino aho fa izany no ao amin'io hetsika pentekotista lehibe io. Faly aho mahita an'ireo sakan'ny fihafahafana tapaka, manomboka manakambana ny tenany ao amin'ny fiombonana ilay Fianganan'Andriamanitra lehibe. Izany dia midika fa miha-manakaiky ilay fampakaram-bady ankehitriny. Ary ireo vato, dia voapaika manokana arak'izay mety ho vitany, manana toerana any ho any izy ireo ato amin'ity tranobe ity, raha toa ka vaton'ny Tompo izy ireo.

⁸¹ Ankehitriny, ny fampakaram-bady, amin'ny hevitra anankiray, dia tandindona iray. Ny fampakaram-badin'ny tany eto dia tandindona iray an'ny fampakaram-badin'ny lanitra. Ankehitriny dia ndao isika handinika an'izany, mandritry ny fotoana vitsy fotsiny, hitantara azy vetivety.

⁸² Ny zavatra misy voalohany dia, tsy maintsy misy fanapahan-kevitra iray noraisina. Ny zavatra voalohany, dia mandray, ao amin'ilay fampakaram-bady ara-nofo, dia fanapahan-kevitra iray no tsy maintsy raisina. Tsy maintsy mandray ny fanapahan-keviny ilay tovovavy, raha toa ka tiany ilay tovolahy; ary ilay tovolahy, raha toa ka tiany ilay tovovavy. Tsy maintsy misy fanapahan-kevitra anankiray raisina, ary ianareo no tsy maintsy manao an'izany. Tsy maintsy izy irery ihany no vehivavy eto amin'izao tontolo izao izay tianareo, ary izy irery ihany no lehilahy. Raha tsy izany, dia nandray fanapahan-kevitra ratsy ianareo.

⁸³ Ary mitovy amin'izany ny mandray fanapahan-kevitra ho an'i Kristy. Ny zavatra voalohany tsy maintsy hataonareo, dia ny manamboatra ny sainareo na hanompo an'Andriamanitra ianareo ka handray Azy ho Mpamonjinareo, na tsy hanao an'izany. Hanompo an'izao tontolo izao ve ianareo? Hanompo an'i Kristy ve ianareo? Tsy maintsy manamboatra ny sainareo ianareo. Tsy maintsy misy fanapahan-kevitra iray raisina. Rehefa manamboatra ny sainareo ianareo, hoe na ianareo hanompo an'Andriamanitra na i mamôna, amin'izay fotoana izay dia manao ny safidinareo ianareo. Fa tsy maintsy raisina ilay fanapahan-kevitra.

⁸⁴ Ary avy eo, rehefa voaray ilay fanapahan-kevitra, izay ataonareo, dia tonga ny fifanekena. Izany, eo amin'ny alitara no ahitanareo an'izany. Tsy maintsy manao faneke na iray ianareo alohan'ny hisian'ilay fanambadiana. Ary mitovy amin'izany ny amin'ny Fianganon'i Kristy. Tsy maintsy misy fifanekena iray miaraka amin'i Kristy, fa—fanolorana iray, fifanekena iray, resa-pitiavana iray.

⁸⁵ Ary avy eo, ny zavatra manaraka, dia—dia fanomezantoky. Tsy maintsy misy fifanomezan-toky atao, tahaka anareo manome toky. "Malalan'ny foko, raha hanambady ahy ianao, dia manome toky aho fa ho mahatoky sy marina aho. Tsy hijery vehivavy hafa intsony aho." Na, "Tsy hijery lehilahy hafa intsony aho. Ary hataoko ho andraikitra izany rehetra izany, amin'ny maha-vady ahy. Raha hanan-janaka isika, dia hatao ho andraikitra izany rehetra izany amin'ny maha—amin'ny maha-reny ahy. Izaho, izaho dia ho mpikarakara tokan-trano." Ireo fanomezan-toky rehetra ireo dia tsy maintsy vita, na hatao, ao amin'ny fampakaram-bady ara-dalàna.

⁸⁶ Ary zavatra mitovy amin'izany koa rehefa manatona an'i Kristy ianareo. "Tompo, raha handray ahy ianao ho ao amin'ny Fanjakanao, dia manome toky aho." Eo ianareo izao. "Hitia Anao aho. Ho marina Amino aho. Hanompo Anao aho, andro aman'alina." Mampalahelo loatra fa adinontsika izany. "Hanompo Anao aho, andro aman'alina. Hifady hanina aho. Hivavaka aho. Ho mahatoky Amino aho. Hitondra ny ampahafolon-karenako ao amin'ny trano fitiehirizana aho. Izaho, izaho dia—izaho dia hivavaka, matetika isan'andro. Izaho—izaho dia hanao ny zavatra rehetra. Ary hanolotra ny fitiavako rehetra ho Anao aho." Izany no tsy maintsy hataonareo. Tena marina mihitsy izany, rehefa manome toky an'izany ianareo, ary izany dia tsy maintsy avy ao amin'ny fonareo.

⁸⁷ Raha manome toky ny vadinareo an'izany ianareo, kanefa tsy avy ao amin'ny fonareo, ny tianareo ho lazaina amin'izany, dia tsy miaina mahitsy tanteraka miaraka aminy ianareo. Karazana resaka sarontsarona ilay izy.

⁸⁸ Jereo eto. Raha—raha tsy manana nify ianareo, ka mampiasa solonify ianareo, ankehitriny, dia tena tsara izany. Izany no misolo an'ireo nify izay nanananareo fahiny. Saingy, raha ny marina, dia tsy mifandray aminareo ireo nify ireo. Tsy ampahanareo izany. Raha manana sa—sandry anankiray notapahina ianareo, ka mitondra solon-tsandry, eny, io sandry io dia tsy mifandray aminareo. Napetaka fotsiny eo aminareo izany. Hitanareo? Tsy mifandray aminareo izany.

⁸⁹ Ary rehefa manao ny fanekentsika ho an'i Kristy isika, raha tsy lasa Ampahany isika, tahaka ny tokony hahalasa ny vehivavy anankiray ho ampanan'ny lehilahy iray sy ny lehilahy iray ho an'ilay vehivavy, amin'izay fotoana izay dia Kristiana

noforonina isika. Tsy izy isika, tsy tena izy. Tsy tena nanambady an'ilay vehivavy ianareo. Tokony hahatoky ianareo. Raha tsy tia ny vadinareo ianareo, rehefa enimpolo na fitopolonona izy, ka tsy tia azy tsara tahaka ny nataonareo tany amin'ny voalohany ianareo, amin'izay fotoana izay ianareo dia tena mitaiza fotsiny an'ireo zanany.

⁹⁰ Mitovy amin'izany ireo fiangonana, maro be amin'izao fotoana izao. Alaintsika fotsiny ilay anarana hoe "Fiangonana Kristiana," milaza tena ho Ampakarina. Nefa,noforonina izany. Tsy mifandray amin'i Kristy mihitsy isika. Tahaka ny nify iray noforonina isika, sandry noforonina, maso noforonina. Hitanareo? Zavatra anankiray noforonina ilay izy raha mitafy fotsiny an'izany isika. Eny, tsy afaka mitafy ny Kristianisma ianareo. Tsy maintsya mifandray amin'ilay izy ianareo.

⁹¹ Ary amin'izay fotoana izay ny fiangonana iray izay noforonina fotsiny, antsoina hoe ny fiangonan'i Kristy, eny, ireo zanany amin'izay fotoana izay dia tsy ao Anatiny, ireo izay naterak'io rafi-pandaminana io ihany. Izy fotsiny dia... Tsy zanak'i Kristy izy ireo. Zanaky ny anaram-piangonana izy ireo, fa tsy zanak'i Kristy.

⁹² Raha tsy mifandray amin'ilay lehilahy ao amin'ny fahamarinana ilay vehivavy, amin'izay fotoana izay dia tsy vadiny izy. Lehilahy iray izay nanaovany voady hiarahana mipetraka fotsiny izy, ary nanao voady ratsy izy. Nanaiky izy ny ho tia azy, ary nilaza izy fa tia azy, nefo tsy nataony ilay izy. Hatramin'ny farany, dia voafitaka ilay lehilahy.

⁹³ Fa ny zavatra anankiray azo antoka, ry sakaiza, dia tsy hahafitaka an'i Kristy isika. Fantany ny Azy.

⁹⁴ Fa, hitanareo, voalohany, fanapahan-kevitra raisina. Manaraka, fifanekena. Avy eo, fanomezan-toky.

⁹⁵ Ary, avy eo, ilay fanamasinana. Ary amin'izany fotoana izany ilay ampakarina—ampakarina no mandray ny anaran'ilay mpampakatra. Tsy mitondra ny anarany manokana intsony izy amin'izay fotoana izay. Mandray ny anaran'ilay mpampakatra izy.

⁹⁶ Ary avy eo rehefa manao ny fanamasinana ilay Fiangonana, manao ny fanomezan-tokiny, amin'izay fotoana izay izy no mandray ny Anaran'ilay Mpampakatra. Avy eo dia tsy fiangonan'izao tontolo izao intsony izy. Fiangonan'i Jesosy Kristy Tompo izy. Amena. Tsy... Tsy milaza aho, hoe, amin'ny alàlan'ny Anarana. Ny tiako ho lazaina dia, hoe, amin'ny alàlan'ny Fahaterahana, amin'ny alàlan'ny toetra, amin'ny alàlan'ny herin'Andriamanitra. Amin'ny alàlan'ny Fahamarinan'Andriamanitra voambara, ao anatin'ny fo, dia lasa Fiangonana Kristiana iray izy, ilay Fiangonana Kristiana apostolika maneran-tany lehibe. Laso ampanhan'i Kristy izy. Rehefa manao an'izany izy, izy... dia atsofok'i Kristy ao anatiny

ny Fanahiny manokana, ny Fiainany manokana. Ary ny Baiboly no nilaza, tamin'i Adama sy Eva, tany hoe, "Tsy roa intsony ianareo, fa iray." Ary rehefa ny vehivavy, ilay Fiagonana, no nanambady an'i Kristy, dia tsy roa intsony izy ireo. Iray izy ireo. Kristy ao anatinareo! Amena. Izay ilay izy. Narotsaka tao anatinareo ny Fiainany, amin'izay fotoana izay dia lasa Ampakarina ianareo.

⁹⁷ Avy eo, zavatra anankiray hafa, aorian'ny nanaovany an'ireo voady rehetra ireo, sy ny sisa, ka voalaza ilay fanamasinana:

⁹⁸ Toy ny hoe, ny anaran'ny vadiko dia Broy talohan'ny nanambadiany. Ankehitriny, dia tsy Broy iray intsony izy. Branham izy. Ankehitriny, tsy Broy intsony izy. Branham izy.

⁹⁹ Ary rehefa miditra ao amin'i Kristy ianareo, dia tsy an'izao tontolo izao intsony ianareo. An'i Kristy ianareo. Hitanareo? Tsy miahys an'ireo zavatr'izao tontolo izao ianareo amin'izay fotoana izay. Maty izy ireny aminareo. "Fa izay tia an'izao tontolo izao, na ireo zavatr'izao tontolo izao, dia tsy ao anatiny akory aza ny fitiavana an'Andriamanitra."

¹⁰⁰ Noho izany, hitanareo, tsy mety ho Kristiana iraynoforonia ianareo. Mety ho noforonina anankiray ianareo, Kristiana anarana.

¹⁰¹ Fa tsy mety ho Kristiana iray ianareo, ho lasa, raha tsy Kristy no manatsofoka ny Tenany, amin'ny alàlan'ny batisan'ny Fanahy Masina, ao anatinareo. Amin'izay fotoana izay ianareo dia mifandray Aminy. Tsy roa intsony ianareo. Iray ianareo. Kristy no nampantanena fa ho ao amintsika, tahaka ny Ray tao amin'i Kristy. "Izaho sy ny Raiko dia Iray. Izaho sy ianareo dia Iray." Hitanareo? Kristy ao amintsika! Izay rehetra naham-Andriamanitra, dia Narotsany tao amin'i Kristy. Ary izay rehetra naham-Kristy, dia Narotsany tao amin'ilay Fiagonana, mba hanohy ny asan'ny Filazantsara.

¹⁰² Amin'izay fotoana izay isika dia lasa, tsy amin'ny alàlan'ny anarana noforonina, fa amin'ny alàlan'ny zava-misy anankiray an'ny Fanahy Masin'ny Fiainana mampifandray antsika ao amin'i Kristy. Noho izany, amin'ny alàlan'ilay herin'ny Fitsanganany, dia natsangana avy tamin'ireo zavatra maty an'izao tontolo izao isika, ka mipetraka miaraka Aminy ao amin'ny toeran-Danitra. Amena. Tiako izany. Izao hariva izao, dia mipetraka ao amin'ny toeran-Danitra ao amin'i Kristy Jesosy isika, hitanareo, nitsangana niaraka Taminy; maty tamin'ireo zavatr'izao tontolo izao, ary nitafy an'i Kristy. Ary rehefa mitafy an'i Kristy isika, amin'izay fotoana izay dia maty izao tontolo izao, dia tsy miahys ny amin'izao tontolo izao intsony isika. Izao tontolo izao dia maty amintsika. Ary isika dia... Ary izy maty amintsika, ary isika dia maty aminy.

¹⁰³ Olona hafa ianareo, toetra hafa, satria famoronana vaovao ianareo. Famoronana! Tsy ilay famoronana mitovy, nofotsiana;

tsy o—olona iray izay namadika pejy vaovao. Fa olona iray izay maty, ka nateraka indray, ary lasa famoronana vaovao ao amin'i Kristy Jesosy, ka ny Fanahin'Andriamanitra velona no miaina ao anatin'ilay olona.

¹⁰⁴ Ankehitriny, tahaka an'ilay vehivavy izay tsy Broy intsony mihitsy, Branham anankiray izy, ary antsoina amin'izany anarana izany izy.

¹⁰⁵ Ary tsy an'izao tontolo izao intsony ilay Fiagonana, fa amin'ny Anaran'i Kristy izany, izany izy. Mifandray Aminy izy, amin'ny alàlan'ny Fiainany manokana.

¹⁰⁶ Efa mba namaky tao amin'ny Soratra ve ianareo, hoe ahoana fa ilay olona voalohany, izay nataon'Andriamanitra, dia o—olona roa? Adama dia sady Adama no Eva, resaka ara-panahy, fa rehefa nanao an'ilay olona voalohany Izzy tamin'ny Endriny manokana. “Fa Andriamanitra dia Fanahy.” Saingy, rehefa nametraka azy ireo tao anatin'ny nofo Izzy, dia Nosarahiny izy ireo. Naka an'ilay fanahy lahy Izzy, nametraka an'izany tao amin'ilay lehilahy, dia naka an'ilay fanahy vavy ka nametraka an'izany tao amin'ilay vehivavy.

¹⁰⁷ Ankehitriny, rehefa mahita vehivavy iray ianareo te-hanao tahaka ny lehilahy anankiray, dia misy zavatra tsy mety ao. Rehefa mahita lehilahy iray ianareo te-hanao tahaka ny vehivavy anankiray, dia misy zavatra tsy mety ao. Dia toy izany no maha-ratsy tanteraka an'izao tontolo izao, amin'izao fotoana izao. Ireo lehilahy miezaka manao tahaka ny vehivavy; ireo vehivavy tahaka ny lehilahy Marina izany. Izany no marina.

¹⁰⁸ Ankehitriny jereo. Tena tanteraka ilay izy, fa rehefa naka sy nanao ny lehilahy Andriamanitra, ka mba hanehoana fa tsy Tiany ho avy amin'ny zavatra hafa ilay izy, dia tsy tao amin'ilay famoronana tany am-boalohany ny vehivavy. Noho izany dia tsy tao anatin'ilay famoronana izy, fa ampanhan'i Adama izy. Vokatra notsoahana anankiray izy. Miditra ao amin'ny tehezan'i Adama Izzy, tsy hanao olona hafa anankiray, fa maka ampanhany avy amin'ny olona iray ka manao olona iray avy amin'izany. Ary naka an'ilay fanahy lahy izay tao amin'i Adama Izzy... Ary naka an'ilay fanahy vavy izay tao amin'i Adama, raha ny marina, ka nametraka an'izany tao amin'ilay vehivavy. Noho izany, ilay fanahy sy vatana, dia lasa iray izy ireo.

¹⁰⁹ Izany dia tandindona mahafinaritra anankiray ny amin'izay nataon'Andriamanitra teo Kalvary. Naka an'i Kristy Izzy, ary nampifandray Azy tamin'ny Fiagonana, tamin'ny alàlan'ny tehezana iray notatahana, nitondra an'ilay Rà Izzy izay nanadio an'ilay olona, izay manamasina ny nofon'ilay Fiagonana, ary nametraka ny Fanahin'Andriamanitra velona, izay Nesoriny teo amin'ilay hazo fijaliana, avy tao amin'i Kristy, ary nametraka an'izany tao anatin'ny isam-batan'olona. Amin'izay fotoana izay dia iray izy ireo. Lasa iray izy ireo. Kristy sy ianareo dia iray.

¹¹⁰ Ary ianareo sy ny vadinareo dia tokony ho iray. Raha misy zavatra iray mifanohitra, dia misy zavatra tsy mety ao amin'ilay firaisanareo.

¹¹¹ Ary raha misy zavatra mifanohitra amintsika, amin'i Kristy, raha tsy mino ny Teniny isika, manao hoe, "Oh, efa an'ny andro hafa izany," dia misy zavatra tsy mety eo amin'ny firaisansika Aminy. Raha hoy ianareo hoe, "Efa lasa ireo andron'ny fahagagana; tsy misy ny fanasitranana avy amin'Andriamanitra; tsy misy ny batisan'ny Fanahy Masina," ka mampihatratra an'izany ho an'ny tany aoriana tany, dia izany no manebo fa tsy ao anatinareo ny Fanahin'i Kristy.

¹¹² Satria, "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo." Ary avy eo rehefa lasa miharihary ao anatinareo ny Teniny, amin'izay fotoana izay, hitanareo, dia izany no ianareo sy Kristy izay iray amin'izay fotoana izay. "Raha mitoetra ao Amiko ianareo, ary ny Teniko ao aminareo, dia afaka mangataka an'izay tianareo ianareo," satria tsy ianareo intsony ilay izy. Ny Tenin'Andriamanitra ilay izy, Kristy ao anatinareo. Lasa iray ianareo. Eny àry.

¹¹³ Avy eo, zavatra hafa anankiray, rehefa avy nanao an'izany izy, rehefa avy nahatanteraka ny voadiny izy, ka nanambady azy, ary naka ny anaran'ilay ho vadiny, ny anaran'ilay mpampakatra, amin'izay fotoana izay dia mpandova an'izay rehetra ananany izy. Izy no mpandova ny zavatra rehetra. Ny vadinareo no mpandova ny zavatra rehetra izay anananareo.

¹¹⁴ Ary izany ilay zavatra izay maha-izy ny Fiagonana, raha mba fantany fotsiny mantsy izany, lasa Ampahany miaraka amin'ny Fanahiny ao anatiny. Hoy Izy hoe, "Ireo asa izay Ataoko no hataonareo koa. Hanao mihoatra noho izany aza ianareo, satria Aho mankany amin'ny Raiko. Vetivety foana, dia tsy hahita Ahy intsony izao tontolo izao; fa ianareo kosa no hahita Ahy, satria homba anareo Aho, ho ao anatinareo mihitsy aza, hatramin'ny fahataperan'izao tontolo izao." Amin'izay fotoana izay dia izany no Kristy ao anatinareo. Mifandray miaraka ianareo, ary ianareo no mpandova miaraka Aminy.

¹¹⁵ Ary raha teto an-tany Izy, dia inona no mety ho Nataony? Ny zavatra mitovy tamin'izay Nataony tany, satria Izy no tsy miova omaly, anio, ary mandrakizay. Tsy maintsy hihevitra ny amin'ny asan'ny Ray Izy. Hanasitrana ny marary Izy. Hanao fahagagana Izy. Izy dia hanao tanteraka mihitsy an'izay efa Nataony fony Izy teto an-tany teto, satria Izy dia mijanona foana ho tsy miova omaly, anio, ary mandrakizay. Tanteraka mihitsy izany. Izany ilay fampakaram-bady.

¹¹⁶ Saingy, ankehitriny, ahoana moa raha manambady io vehivavy io, manao an'ireo voady rehetra ireo sy ny sisa, ka lasa vadin'io lehilahy io izy, ary izy no mpandova an'izay

rehetra ananany, sy ny sisa, nefà avy eo dia lasa tsy mahafehy tena izy? Manomboka eo amin'ny haromontana anankiray izy. Manomboka izy, manenjika an'ireo lehilahy hafa. Tsy izany ihany koa, fa mizara ny fitiavany amin'ny hafa izy. Ny lehilahy iray sy ny vadiny, ireo fanomezan-toky rehetra izay nataon'izy ireo, nefà avy eo dia lasa mivoaka izy ary manomboka mizara ny fiainany amin'ny hafa, ny fitiavany sy ny fihetseham-pony amin'ny hafa.

¹¹⁷ Izany no atao'n'ireo mody Kristiana maro be, mizara ny fitiavanareo amin'izao tontolo izao: milalao, mandihy, miloka, mijanona any an-trano miala amin'ireo favoriam-bavaka, mba hijery televiziona, ireo karazan-javatr'izao tontolo rehetra izao izay naka ny toeran'ny fitiavana an'Andriamanitra, ao amin'ny fon'ilay fiangonana. Mandeha eo amin'ny haromontana anankiray izy. Lasà tsy mahafehy tena izy. Lasà manenjika lehilahy hafa izy. Mizara ny fitiavany izy. Halainy ny ampaahafolon-karenany izay tokony homeny ny fiangonana; ho laniany amin'ny zavatra hafa any ivelany any amin'izao tontolo izao any izany. Izy dia... Raha tokony ho tia an'Andriamanitra amin'ny fomba izay tokony hataony, sy miaina ho an'Andriamanitra, ary tia ny mankany am-piangonana, dia saiky mila mandresy lahatra azy mihitsy ianareo ho tonga.

¹¹⁸ Nahoana, fantattro, teto vao tsy ela akory izay, mpi-mpitoriteny anankiray no niteny tamiko fa nandefa vavaka maro be izy... karatra maro be, mba ho soniavin'ny olona, mba haneken'izy ireo ny ho tonga amin'ny sekoly Alahady farafahakeliny enim-bolana isan-taona.

¹¹⁹ Ary nahita zazavavy kely mahantha anankiray aho teo ambanin'ilay havoana tany, izay niasako. Nivoaka avy tao izy. Ary nitsangana teo am-baravarana aho, nandondona an'ilay varavarana, ary tonga teo amin'ilay varavarana izy. Ary izy dia iray amin'ireo karivavy mpilalao eto ireo, fantatrareo.

¹²⁰ Tahaka an'ilay andiany izay nosamborin'izy ireo teto Phoenix omaly hariva, mino aho fa izay ilay izy, manao an'ilay fanimbana vaovao an'ny—an'ny rock-and-roll, na ireo mpanao twist, na inona koa ilay izy, ary tsy maintsy niantso polisy izy ireo hisambotra azy ireny. Olona tanora, tsy azonareo ve fa fanahin'ny devoly izany? Eo ambanin'ilay fitaomana, hany ka tsy fantany fa izy ireo dia, eny an-dàlambe, no manao hadalana.

¹²¹ Tahaka ny sasany amin'ireo mpanao hatsikana, na ireo mpanao kapila, sy ireo mpanao hakingana, sy ny sisa, izay nandeha teo amin'ny toerana, tao amin'ny tanàna izay nisy ahy. Ary ireo tovovavy dia nanala ny atin'akanjony ka nanipy an'izany teo amin'ilay lampihazo, mba hasian'io zalahy io rangom-pohy. Tsy fantatrareo ve fa ny devoly izany? Izany no fanahin'ny andro farany. Azo antoka. Tena henatratra izany. Eo ianareo izao, lasa tsy mahafehy tena.

¹²² Io tovovavy io, nivoaka izy, nanao hadalana. Tsy fantany akory aza fa izaho dia... Adinony aho izay nitsangana teo amin'ilay varavarana. Dia hoy izy hoe, "Oh, mamele ahy. Adinoko ny aminao izay nitsangana teto." Ary nanolotra oroka an'ilay tovolahy tao amin'ny radio izy, na inona koa ilay izy, ka nanao hoe, "Hihaona aminao any amin'ny Green Briar Patch aho," na inona ilay izy. Nanana karazana dihy anankiray izy ireo tamin'io hariva io.

Dia niteny tamin'i Dr. Brown aho, izay sakaizako anankiray.

¹²³ Hoy izy hoe, "Ahoana ny fanoheran'ny fiangonanao any, ry Billy?"

Hoy aho, "Mahafinaritra." Hoy aho hoe, "Omenay pilina izy ireo."

Hoy izy hoe, "Karazana pilina inona?"

¹²⁴ Hoy aho hoe, "Filazantsara. [Gospels amin'ny teny Anglisy—Mpand.] Izany no azo antoka fa mihazona azy ireo ho tonga foana." Hitanareo?

¹²⁵ Ary niresaka tamiko mikasika an'izany izy, manasonia an'ireo fanekena. Dia hoy aho hoe, "Dr. Brown, heverinao ve fa io karilahy mpilalao ao amin'io radio io dia mila ny hampanao sonia an'io vehivavy io ny fanekena iray hoe tsy maintsy ho tonga any izy tamin'io hariva io? Tsy izany mihitsy. Hataony antoka hoe fitafiana inona no hanaovany, mba handehanany any." Nahoana? Zavatra anankiray ao anatiny ilay izy izay mampifandray azy, fanahy iray, amin'ny filalaovan'izao tontolo izao.

¹²⁶ Ary mandra-pahatongan'ilay Fianganan'Andriamanitra velona, izay antsoina hoe Ampakarin'i Kristy, hampifandray ny tenany amin'Andriamanitra tahaka an'izany, dia mbola hitsikasinkasina ao amin'izao tontolo izao foana izy, ao amin'ilay tanimanga mandrevon'ny fahotana, mandra-pahatonga azy hifandray amin'Andriamanitra ao amin'izany fomba izany, mandra-pahatongan'ny fony ho tena feno ny voninahitra sy ny herin'Andriamanitra, mandra-pahatonga azy tsy hahita na inona afa-tsy Kristy. Marina izany.

¹²⁷ Izany no tsy maintsy hataontsika. Izany no planina tokana, ny fandaharana tokana izay ananan'Andriamanitra, dia ny manao zavatra iray tahaka an'izany. Tsy tokony ho nampidirina ara-pamoronana ianareo. Tokony hateraka ao ianareo, fa tsy noraisin-tanana, na mitondra taratasy ho an'ny fiangonana. Fa hateraka ao amin'ilay Fianganan'Andriamanitra velona, amin'ny alàlan'ny fanavaozana, amin'ny alàlan'ny herin'ny fitsanganan'i Jesosy Kristy, izay manao anareo ho olom-baovao ao Aminy. Amena. Izany no manarina an'ilay izy. Izany no manao an'ilay izy. Azo antoka. Eny àry.

¹²⁸ Lasa tsy mahafehy tena izy. Manomboka mizara ny fitiavany amin'ny hafa izy, zavatr'izao tontolo izao, filalaovan'izao tontolo izao, mandeha any amin'ny toerana izay tsy tokony halehany, miteny zavatra izay tokony tsy ho teneniny.

¹²⁹ Teto aho indray mandeha... Nanana an'ireo vehivavy izy ireo... karazana fetim-pianganana tany ambony rihana. Sendra nanana zavatra tsy maintsy natao tao ambany rihan'io trano io aho. Ary lazaiko aminareo, fa efa nandre zavatra mahatsiravina aho fony aho mbola mpanota iray, saingy, io favoriam-behivavy io kosa, tsy mbola nandre vazivazy ratsy indrindra toy izany aho teo amin'ny fiainako rehetra. Azonareo eritreretina ve, hoe ny olona anankiray izay antsoina hoe Kristiana iray, dia hamela zavatra maloto tahaka izany hivoaka avy ao aminy?

¹³⁰ Tsy afaka mahazo rano mamy sy tsara avy ao amin'ny famorian-drano iray ianareo. Alefanareo ao anatin'ilay fantsakana ny siny anankiray, dia hivoaka izy io feno tsiboboka, izany no iantsoantsika azy ireny. Rehefa ampidininareo indray ilay siny, dia hitondra zavatra mitovy ihany izy. Mila fikosehana ilay famorian-drano, sy famenoana rano tsara.

¹³¹ Izany no olana amin'ny fianganana amin'izao andro izao, raha ny maneran-tany, fa mila fikosehana izy, famenoana rano masin'Andriamanitra avy any An-danitra. Lasa lavapiringan'izay rehetra mandalo ny fony. Manana olontiana amin'ny karazany rehetra izy. Ny Baiboly no nilaza fa banana izy. "Tia ny fahafinaretana mihoatra noho ny fitiavana an'Andriamanitra, mpanontolo fo, mpanendrikendrika, tsy mahonom-po, ary tsy tia ny tsara."

¹³² Jereo ny vehivavy anankiray izay miezaka ny hiaina mahitsy, ny lehilahy anankiray izay miezaka hiaina mahitsy, lasa "holy-roller" iray izy, lasa "fanatika" iray izy, na karazana zavatra ntaolo anankiray. Fandatsa anankiray izy. Hamavoina izy ary lavin'ny olon'ity izao tontolo izao ity. Marina izany.

¹³³ Saingy efa mba voamarikareo ve hoe inona no nasaina nataon'ilay tena Fianganana? Ao amin'ny Testamenta Taloha, rehefa nanana an'ilay-ilay fanatitra izy ireo, dia novonoin'izy ireo ny vorona anankiray, ary napetrany ilay ràn'ny anankiray teo ambonin'ilay iray hafa, ilay namany maty; dia nanidina nanerana ny tany izy, nanely an'ilay ràn'ny namany maty. Rehefa lasa tena Ampakarin'i Jesosy Kristy ilay Fianganana, dia hitondra ny Ràn'i Jesosy Kristy miaraka aminy izy, mamafy an'ilay izy amin'ny tany, mintso hoe, "Masina, masina, masina, ny Tompo." Ny manodidina azy, ny kely indrindra eo aminy dia ho avy amin'Andriamanitra. Ny fanamboarana azy manontolo dia ho avy amin'Andriamanitra. Tsy afaka manantena na inona na inona hafa ianareo.

¹³⁴ Izany no antony andehanan'ny olona any am-pianganana, ihany koa. Tsy hilalao karatra sy hilalao pôkera, handihy ao

ambany rihana, hanao lasopin'ny sakafo hariva sy ny sisa tahaka an'izany. Izany dia ho an'izao tontolo izao. Ary tsy afaka hitaha amin'izy ireo mihitsy isika, ary henatra ho antsika ny manandrana an'izany. Tsy maintsy mitory ny Fanahy Masina isika, amin'ny hery, sy ny fitsanganan'i Kristy. Manana ny zavatra izay tsy ananan'izy ireo isika. Ndao isika hiaina an'izany, fa tsy hanandrana ny haka tahaka azy ireny. Miaina amin'izay fantatsika fa mahitsy. Miaina ao amin'i Kristy. Hoy Jesosy hoe, "Rehefa hakarina Aho, dia hitarika ny olona rehetra eo Amiko Aho. Ianareo no fanasin'ny tany. Fa raha verin'ilay fanasina ny tsirony, amin'izay fotoana izay dia tsy misy mahatsara azy afa-tsy ny hariana any ivelany sy ho hitsahina eo ambanin'ny tongotry ny olona." Ireo fanambarantsika!

¹³⁵ Tsy mahagaga, fa na dia ireo vondrantsika Pentekotista aza, tena halako mihitsy ny hilaza an'izany, ireo vondrantsika Pentekotista dia latsaka mihitsy ao anatin'izany zavatra izany, ao anatin'ilay firehana mitovy mihitsy. Ary tsy mahagaga raha milaza ny olona fa tsy mahazo an'izay lazain'izy ireo fa azony izy ireo. Io Fianganon'ny hetsika pentekotista io dia tokony ho tena miaraka voafatotra amin'ilay herin'Andriamanitra Tsitoha, mandra-pahatongan'ilay tena Fiainan'i Jesosy Kristy hanome taratratra ao anatin'izany.

¹³⁶ Saingy isika dia te-hanao an'izao tontolo izao ho modely. "Hanao an'ilay izy izahay, na izany aza." Hitanareo? "Mila manana ny fanaonay izahay mikasika an'izany." Fa tsy tokony hanao an'izany isika. Ratsy ny fanaovana an'izany. Ny fiangonana dia tahaka ny vehivavy fotsiny, lasa tsy mahafehy tena.

¹³⁷ Ny zavatra voalohany fantatrareo, lasa tena tsara izy, tamin'ny voalohany rehefa niteraka an'io Fianganana pentekotista io Andriamanitra, teo amin'ny efapolo na dimampolo taona lasa izay. Niaina masina izy. Masina izy. Niaraka taminy ilay herin'Andriamanitra. Saingy arakaraky ny anohizantsika, dia manomboka tena mikambana amin'izao tontolo izao isika.

¹³⁸ Ny zavatra voalohany fantatrareo, dia tsy maintsy manana tranobe anankiray isika izay tena lehibe ka tsy maintsy mihoatra ny an'ireo Metodista ery amin'ilay zoron-dàlana hafa ilay izy. Tsy maintsy manana zavatra tena lehibe isika, ny zavatra lehibe indrindra, sy ny zavatra lehibe indrindra, ary ny zavatra lehibe indrindra. Henatra izany. Maro amintsika no manabontsina ny tenantsika rehefa mahazo isika... Ilay rahalahy Pentekotista dia mijery olona anankiray, antokon'olona kely, na fiangonana tena kely, ary mandeha any amin'ny fiangonana iray lehibe izy ireo. "An'ilay fiangonana voalohany izahay, na ilay fiangonana lehibe," na zavatra tahaka an'izany; manambany azy ireo.

¹³⁹ Ny ilainareo dia ny Fanahy Masina, mba hampihena kely anareo, marina izany, hamela anareo hahafantatra fa ny tena batisa marin'ny Fanahy Masina dia hanao ny olona manao palitao anankiray hametraka ny sandriny manodidina ny olona manao akanjo fitondra miasa anankiray ka hanao hoe, "rahalahy." Marina. Ny tena famonjena an'ny andro fahiny, ny herin'Andriamanitra Tsitoha, eny, tompoko, no hanao an'ilay olona manao akanjo landy tranainy hametraka ny sandriny manodidina an'ilay olona manao somizo landihazo anankiray, ka hanao hoe, "Rahavavy, tiako ianao." Azo antoka fa hanao izy.

¹⁴⁰ Fa isika dia manomboka mivoaka miaraka amin'izao tontolo izao, tarihin'ilay riandrano. Izany ilay fiangonantsika. Tsy tokony hiresaka mikasika an'ireo Metodista sy Batista intsony isika. Ny tenantsika ilay izy. Ao anatin'ny laharantsika manokana ilay izy. Izany no antony tsy ahafahan'ilay Fanahy Masina mihetsika. Izany no antony ilazako fa tsy afaka mametraka ny Fanasaziany eo ambonin'ny rafi-pandaminana iray Andriamanitra izao hariva izao. Satria, ny Jentilisa dia tsy nalaina amin'ny maha-firenena iray. Izy ireo dia vahoaka iray avy ao amin'ny Jentilisa, noho ny Anarany. Haka an'ireo isambatan'olona Andriamanitra.

¹⁴¹ Ankehitriny, heveriko fa manao asa tsara anankiray ireo rafi-pandaminantsika. Tena tsara izany. Saingy tsy afaka miankina amin'izany ianareo, manao hoe, "Izaho dia pentekotista, satria an'ny rafi-pandaminana Pentekotista iray aho." Pentekotista ianareo rehefa manana ny fahatsapana pentekotista. Tsy ahoako na dia an'ny fiangonana Katolika aza ianareo, pentekotista ianareo. Tsy afaka manao rafi-pandaminana ny pentekosta ianareo. Fahatsapana iray ny pentekosta, fa tsy rafi-pandaminana iray. Ary marina izany.

¹⁴² Fa isika vahoaka Pentekotista no nanomboka nihevitra hoe, satria manana ny anarana Pentekosta isika, dia afaka mandroso sy miaina ao amin'izao tontolo izao, manao an'izay rehetra tiantsika hatao. Toy ny hoe mihanika fotsiny amin'ny tilikambon'i Nimroda isika; ho lasa lavenona izany. Tahaka an'ilay sikina ravin'aviavin'i Adama; halazo izy. Tahaka an'ilay tsipika Siegfried any Frantsa, tsipika Maginot any Alemania; nirodana izy.

¹⁴³ Satria, tsy misy tilikambo hafa, tsy misy fanorenana hafa. "Fa ny Anaran'ny Tompo no tilikambo mahery ka ireo marina no mihazakazaka ao ary dia voaaro." Rehefa mihazakazaka ao amin'Izany ianareo, dia mandray an'ilay Anarana ianareo, ilay Anarana; tsy hoe mintso Anarana anankiray fotsiny, fa ilay Anarana sy olona izay maha-izy anareo, mitovy amin'i Kristy eo amin'ny fiainana. Amena. Mahafinaritra Izy. Eny.

¹⁴⁴ Nanao an'ilay zavatra mitovy ny fiangonana, nanao an'ireo fijangajangana ara-panahy, tahaka ny vehivavy iray izay

hizara ny fitiavany avy eo amin'ny vadiny mankany amin'ny lehilahy hafa iray. Izany vehivavy izany dia tsy mendrika ny hiaraha-miaina. Fantatrareo izany. Ary rehefa manomboka mizara ny fiombonany amin'izao tontolo izao ny fiangonana, dia Andriamanitra saro-piaro anankiray Andriamanitra. Noroahany i Israely noho izany antony izany, ary ny Zanany koa dia handroaka an'izany zavatra izany.

¹⁴⁵ Haka Ampakarina anankiray Izy izay tsy misy fiketronana eo Aminy. Amena. Voasasa manontolo tamin'ilay Ràn'ny Tenamy manokana Izy. Marina izany. Noho izany dia hitantsika izay hijoroantsika, efa madiva ho tonga ilay fampakaram-bady.

¹⁴⁶ Ankehitriny, hitantsika fa nanao fijangajangana ara-panahy izy, nandeha nivoaka niaraka tamin'izao tontolo izao, milaza zavatra anankiray, miaina zavatra hafa anankiray. Tsy hety mihitsy izany. Ny zavatra tokony hataon'ny fiangonana, dia ny manao tahaka an'izay nataon'i Estera. Nandà ny haingon'izao tontolo izao i Estera.

¹⁴⁷ Fantatsika ilay boky kelin'i Estera, ahoana ilay Mordekay... Nanana zanakavavy iray ny dadatoany. Ary izany dia nandrity ny fotoan'ny fanjakan'ny Mediana sy Persiana. Tandindona iray tena mahafinaritra izany eto. Ilay mpanjaka, iray tamin'ireo mpanjaka malaza indrindra teto amin'izao tontolo izao tamin'izany andro izany, nanao fety be anankiray izy. Ary nantsoiny ilay mpanjakavavy mba ho tonga hipetraka teo akaikiny, saingy tsy nataony izany. Nandà ny hanao an'izany izy. Koa inona no nataony? Afa-baraka loatra izy, hany ka tsy fantany izay hatao, fa ilay tena vadiny mihitsy no tsy nety tonga.

¹⁴⁸ Heveriko fa io rehetra io dia mitovy amin'i Kristy amin'izao andro izao. Nanasa antsika Kristy mba hipetraka ao amin'ny toeran-Danitra miaraka Aminy, nefo isika dia menatra ny amin'izany. Olona maro no menatra ny hilaza fa hoe nahazo ny batisan'ny Fanahy Masina izy ireo. Ireo vahoaka Pentekotista, marina izany, dia menatra izy ireo ny hiteny an'izany. Menatra Azy isika.

¹⁴⁹ Ary dia tsy nety tonga ilay mpanjakavavy. Nandà ny ho tonga izy. Nahafa-baraka azy izany. Nivoara-mena ny endriny. Ny olona rehetra dia nahatsikaritra.

¹⁵⁰ Manontany tena aho raha toa ilay endrik'i Jesosy ka tsy mba mivoara-mena kely, ihany koa, rehefa miantso antsika ho an'ny asa anankiray Izy, miantso an'ilay hetsika Pentekotista ho an'ny fiombonana sy firahalahiana, nefo isika dia voagejan'ny rafipandaminana loatra ao amin'ireo vondrona kely hany ka mety hilefitra amin'ny hafa. Isika dia tena, lasa araka an'izao tontolo izao loatra sy ireo zavatra tahaka an'izany, lasa menatra an'ilay anaran'ny pentekosta isika. Ny olona sasany dia matahotra ny hilaza. Hoy izy ireo, "Eny, izaho—izaho dia an'ny... Kristiana

aho, saingy . . ." Izaho dia faly fa nahazo an'ilay fahatsapana pentekotista. Amena. Izaho dia faly mitondra ny Anaran'i Jesosy Kristy. Izany no tombontsoa lehibe indrindra izay hany azoko, dia ny milaza fa izaho dia Ampahany.

¹⁵¹ Ankehitriny dia hitantsika, avy eo, fa nalaindy ireo mpanolotsaina sasany, mba hanontaniana an'izay tokony hataony. Dia hoy izy ireo hoe, "Raha mitohy ny tahaka an'izany, dia haka ohatra avy amin'ilay vadin'ny filoha daholo ireo vehivavy rehetra manerana ny firenena."

¹⁵² Mazava ho azy, fa izany no miseho izao hariva izao. Mijery ny sasany amin'ireto vehivavy ireto aho. Antenaiko fa tsy mandratra ny fihetseham-ponareo aho, kanefa dia atao, antenaiko fa manao aho. Ah-hah. Marina. Miezaka ny hitovy amin'ity karazana vadin'ny filoha eto ity, miaraka amin'ireo hety volo mibontsina. Tsy mbola nahita zavatra tahaka an'izany mihitsy aho teo amin'ny fiainako manontolo.

¹⁵³ Indray andro dia nisy vehivavy iray niditra tao amin'ny magazay izay niandrasako ny vadiko, ary ny lohan'io vehivavy io dia tahaka an'izao ny halehibeny, ary nisy loko maintso teo ambanin'ny masonry. Hoy aho hoe, "Mankanesa ao ivohoko, rakakabe. Dia ho tsara aho." Izany no fampisehoana mampahatahotra indrindra. Hampangovitra anareo izany. Inona izany? Ilay vadin'ny filoha. Ilay vadin'ny filoha izany. Izay ilay izy. Ary maka ohatra iray avy amin'izany izy ireo.

¹⁵⁴ Ary mamelà ahy hiteny an'izao ankehitriny. Tsy vazivazy no nilazako an'izao, fa ao amin'ny fanoharana iray, mba hahitanareo. Izany tanteraka mihitsy no ataonareo Kristiana tranainy ireo ho an'ireto tanora ireto. Tena marina. Natao ho ohatra ianareo. Ianareo Pentekotista izay milaza fa nahazo ny Fanahy Masina, ianareo dia tokony ho ohatra ho an'ireo Metodista, sy Batista, Presbyterana. Tsy tahaka an'ilay vadin'ny filoha, fa natao ho tahaka an'i Jesosy ianareo. Izy no miteny aminareo Ato hoe inona no hatao, ahoana no fanaovana azy. Tsy maintsy manaraka ny Didiny sy ny ohatrany isika. Fa izany no fomba hahitantsika an'ilay izy. Estera . . .

¹⁵⁵ Ity mpanjakavavy ity, tsy te-hihaino an'izany izy. Tsy nety tonga izy; nahafa-baraka azy. Hoy izy ireo, "Raha—raha ity vadin'ny filoham-pirenena ity no mameetraka ohatra iray tahaka an'izany, dia hanao an'izany avokoa ny vehivavy sisa rehetra. Noho izany rehefa miantsy ny vadiny ny lehilahy iray, dia izy hanao hoe, 'Mandehana mitsambikina any anaty renirano.'" Hitanareo? Ry tovolahy, tena nilaza mialoha an'i Amerika tokoa izy, sa tsy izany? Ankehitriny, hitantsika fa, teo am-panaovana an'izany, tamin'izay fotoana izay dia nisy lehilahy anankiray izay nanana fahendrena mikasika azy, tonga ary nanolo-tsaina an'ilay mpanjaka. Hoy izy hoe, "Ny zavatra hatao dia ny mandroaka azy. Ary alefaso manerana ny firenena, ka antsoy ny

virijiny rehetra izay misy, virijiny tanora, ary makà vady iray ho an'ny tenanao amin'izany."

¹⁵⁶ Nahafaly ny mpanjaka izany. Koa dia naniraka izy, ary naniraka an'ireo mpiasa an-trano izy, sy ny sisa, izay nivoaka mba—mba haka an'ireo virijiny tanora rehetra izay azony, ireo vehivavy tsara tarehy nanerana ny fanjakana rehetra sy ireo faritany izay nanjakany, izay lehibe indrindra teto amin'izao tontolo izao.

¹⁵⁷ Ary rehefa nataony izany, dia tonga teo amin'ity zazavavy kely Jiosy ity izy. Izy raha ny marina dia karazan'ny voahilika anankiray, satria, tahaka an'ireo Jentilisa, hitanareo, dia voahilika tery amin'ny ilany iray izy. Ary tsy nanana ray sy reny izy. Fa i Mordekay, ilay dadatoany no nitaiza azy. Ary tsy maintsy nandeha izy, mba hameno ny pepetra takiana.

¹⁵⁸ Ary dia izany no nataon'izy ireo, tsy maintsy naka an'ireo tovovavy ireo ho an'ny fidiovana nandritry ny volana maro izy ireo. Tsy maintsy nohosorany ranomanitra izy ireo sy manao an'ireo karazana haingo rehetra, ary nanomana azy rehetra, mba hahafahan'izy ireo handeha eo anoloan'ny mpanjaka.

¹⁵⁹ Ankehitriny, dia saiky izany no fomba tian'izao tontolo izao hanomanana an'ilay fiangonana amin'izao andro izao. Mampihaingo azy miaraka amin'izao tontolo izao; maka modely amin'ireo zavatra eto amin'izao tontolo izao; miezaka ny hahazo mambra betsaka, mampiditra ny zavatra rehetra ao amin'ireo fiombonany. Oadray! Zavatra iray mampahonena izany. Ny rafi-pandaminana anankiray miezaka ny hisongona ny anankiray hafa, mampiditra na iza na iza ho mambra anankiray. Mety nampiditra azy ireny tao amin'io rafi-pandaminana io ianareo, saingy tsy ho tafiditra ao amin'ny fiombonan'i Kristy mihitsy izy ireo mandra-pahatonga azy ireo ho madio sy nateraka indray avy amin'ny Fanahin'Andriamanitra. Marina izany. Mety manana ny anaranay eo amin'ny boky anankiray izy ireo eto, fa tsy Any ambony any, ao amin'ny Bokin'ny Fiainan'ny Zanak'ondry, mandra-pahatongan'izany ho voasoratra amin'ny Ràn'ny Tompo Jesosy.

¹⁶⁰ Ireo vehivavy rehetra, dia samy nanomana ny tenany daholo, mba ho lasa tsara tarehy. Ary, oh, mieritreritra aho fa tena nanana endrika hafa tokoa izy ireo teo aminy, angamba nanaraka an'ilay vadin'ny filoha sy ny sisa. Nanao ny tenany ho vonona daholo izy ireo satria handeha hiseho eo anoloan'ny mpanjaka izy ireo.

¹⁶¹ Heveriko fa saiky izany rehetra izany no mahatonga ny olana amin'ireo fiangonantsika amin'izao andro izao. Miezaka ny manomana ny tenany daholo izy ireo, araka an'izao tontolo izao, manana ny famalifalian'izao tontolo izao, ireo zavatr'izao tontolo izao no ao anatiny, manao an'ireo zavatra izay avy amin'izao tontolo izao, mikambana ao amin'izao tontolo izao,

mihevitra izy ireo fa afaka hihona amin'ilay Mpanjaka. Tsy miraharaha an'izany Andriamanitra. Halany izany. Saingy te-hanao tahaka an'izao tontolo izao isika.

¹⁶² Ny sasany amin'ireo fiangonantsika, izay nolazaiko, dia nandatsaka an'ireo sakana, mampiditra diakona, sy ny sisa, ao amin'ny fiangonana, ary ireo pasitera aza indraindray, izay nanambady in-efatra na in-dimy, ka—ka ny sasany amin'izy ireo dia nifoka sigara. Hoy izy ireo, "Izy ireo dia—izy ireo dia handresy an'izany. Ho tsara daholo izy ireo." Alaina avy ao amin'ny bara ny lehilahy anankiray ny hariva iray, dia apetraka eo amin'ny polipitra izy ny hariva manaraka. Tsy mino ny karazan-javatra tahaka an'izany aho. Izaho dia mino fa ny lehilahy anankiray dia tokony ho voazaha toetra, marina izany, voazaha toetra. Milaza aminareo aho, matetika izahay no miantso . . .

¹⁶³ Mino ny batisan'ny Fanahy Masina aho. Mino ny teny amin'ny fiteny tsy fantatra aho, saingy heveriko fa be loatra ny tsindrim-peo apetratsika eo amin'izany. Ny lehilahy iray dia afaka miteny amin'ny fiteny tsy fantatra, ary ny vehivavy iray dia afaka miteny amin'ny fiteny tsy fantatra, nefo raha ny fainany sy ny fainany tsy mitovy amin'ilay fiteny izay teneninareo, amin'izay fotoana izay dia fiteny diso ilay izy, satria ny Fanahy Masina dia hanao anareo hihetsika tahaka ny Baiboly. Izany dia hitondra anareo ao amin'ny fahafenoan'ilay tsanganan'i Kristy.

¹⁶⁴ Alaivonareo ny olona anankiray izay miteny amin'ny fiteny tsy fantatra, izay feno fahatezerana hiady amin'ny tsofa mihodina, ary miresaka ny amin'ireo mpiara-monina, sy ny sisa tahaka an'izany. Nahoana, izany ve no antsoinareo hoe ny Fanahy Masina? Tsy mety izany. Tsia, tompoko.

¹⁶⁵ Ny Fanahy Masina dia fahalemem-panahy, fifaliana, fiadanana, fiharetana, fahatsaram-panahy, fahamoram-panahy, faharetana, finoana. Ny Fanahy Masina, izany no vokatry ny Fanahy, izany no entin'ny Fanahy Masina ao amin'ny Fianganan'Andriamanitra velona, fahamorana, sy fahatsorana, fanetre-tena, fitiavana ny hafa, fiharetana.

¹⁶⁶ Raha nanao fahadisoana ny rahalahy anankiray, aza miady aminy mihitsy na zavatra hafa. Tadiavo izy ary jereo raha afaka mamerina azy ianareo. Aza miandry ny mpitoky teny hanao an'ilay izy. Ianareo no manao an'ilay izy, na olon-kafa. Tsy mahavita an'izany rehetra izany ny mpitoky teny, na dia ireo diakona aza tsy mahavita. Ny olona rehetra, izay mpikambana ao amin'io Vatan'i Kristy io, dia tokony hitady ny anankiray hafa. Isika dia . . . Ary raha manana ny Fanahin'i Kristy isika ao anatintsika . . . Nampianatra antsika an'ilay fanoharana lehibe Izy. Navelan'izy ireo ilay sivy amby sivifolo, dia nandeha nitady an'ilay anankiray. Izany no nasaina nataontsika. Saingy hoy isika hoe, "Oh, avelao izy ireo handeha any." Tsy tokony hanao

an'izany mihitsy isika. Tokony ho mora fanahy isika, mamela, miharitra. Izany no vokatry ny Fanahy.

¹⁶⁷ Ankehitriny, dia isika mihitsy no mahita avy eo, fa Estera, izy rehefa avy... Napetrak'izy ireo tao anatin'ny anankiray tamin'ireo toerana ireo izy, mba hanao ny tenany ho voavoatra tanteraka, mba hisehoany eo anoloan'ilay mpanjaka. Oadray! Nolaviny izany. Tsy nila an'izany izy. Tiany ny handeha tahaka an'izay naха-izy azy fotsiny. Amena.

¹⁶⁸ Isika amin'izao andro izao dia manana an'ireo fiangonana izay te-hanao tahaka an'izao tontolo izao, na satria lasa lehibe isika. Hoy Andriamanitra hoe, "Kely izy fahiny, dia nanompo Azy izy ireo. Fa rehefa lasa lehibe izy, dia nanadino Azy izy ireo." Marina izany.

¹⁶⁹ Fony isika nanana boaty vifotsy anankiray teto nidina teny amin'ny lalan-kely teny ho eny, niaraka tamin'ny amponga anankiray, nikapoka an'izany tamin'ireo vohon-tànantsika; sy gitara tranainy iray, nitendry azy, ary nanana fivoriana andàlambe iray, dia nanetry tena ianareo. Fa rehefa lasa nahazo tranobe telo na efatra tapitrisa dolara isika, sy ireo zavatra goavana be tahaka an'izany, dia lasa tena miavonavona isika ka adinontsika ny momba an'izany, marina izany, mamiratra miaraka amin'izao tontolo izao.

¹⁷⁰ Tany amin'ny toerana iray aho indray andro izay, nisy rahalahy masina anankiray, nisy andian'olona iray teo niasa ho azy. Ary raha nivoaka avy tao ny vehivavy tsirairay tamin'ny fotoana fisotroana kafe, mba haka fiatoana ho an'ny fisotroanka-afe, ny vehivavy tsirairay tao dia nitapa-bolo sy nanao lokomena. Ankehitriny, hoy ianareo hoe, "Rahalahy Branham, tsy manan-draharaha hiteny an'izany ianao." Manana aho. Ny Baiboly no miteny an'izany. Marina izany.

¹⁷¹ Maro amin'ireo vehivavy Pentekotista no manao fitafian-dehilahy, nefä Andriamanitra no nilaza fa fahavetavetana eo Imasony izany. Marina izany. Ahoana no anantenanareo ny handeha ho any An-danitra tahaka an'izany? Izany no maneho fa tsy ao anatiny ao ny Fanahy Masina. Raha tao anatiny tao ny Fanahy Masina, dia hanameloka anareo Izany. Marina. Oh, mety miantsoantsio ianareo, miteny amin'ny fiteny tsy fantatra, mihazakazaka mandroso-sy-miverina, mandihy ao amin'ny fanahy. Efa nahita Hindous nanao an'izany aho, sy Indiana, ary ny zavatra hafa rehetra. Tsy midika na inona na inona izany, raha tsy efa misy aina iray manohana an'izay nolazainareo, dia ny herin'ny Fanahy Masina, mba hanao ny olona hiaina am-pahamasinana. Izany no Ampakarin'i Kristy.

¹⁷² Tsy maintsy ho lasa ampakarina iray i Estera, noho izany dia tsy nila ny anankiray tamin'ilay haingon'izao tontolo izao izy. Nila niditra izy, teo amin'ilay mpanjaka, tahaka an'izay naха-izy azy fotsiny. Nampihaingo ny tenany tahaka an'izay tokony

hataon'ireo vehivavy pentekotista izy, niaraka tamin'ny fanahy malemy iray manetry tena. Ary rehefa nandalo ireo be haingo, ireo vadin'ny filoha ireo, niaraka tamin'ireo zava-baovaon'ny fihaingoany, dia njery azy ireo ilay mpanjaka, ary nametraka azy ireo tao amin'ny efitra niaraka tamin'ireo vaditsindrano. Fa rehefa ity Estera ity kosa no tonga teo imasonry, ka nanao topimaso iray tamin'ilay fanahy mora, manetry tena, malemy izy, dia hoy izy hoe, "Ity no izy. Mandehana alaivo ilay satroboninahitra dia apetraho eo amin'ny lohany izany." Izay ilay izy.

¹⁷³ Avelao izy ireo hanaingo ny tenany amin'io karazana fanahy iray io, tsy ireo vehivavy fotsiny ihany, fa ireo lehilahy, ihany koa, dia manaingo ny tenany amin'io karazana fanahy iray io. Amin'izay fotoana izay ianareo dia lasa vonona ho ny—ny Ampakarina, mora fanahy, manaja. Nanao ny fony hadio i Estera.

¹⁷⁴ Misy zavatra betsaka izay ikarakarantsika, an'ity ivelany ity, oh, tsy maintsy mila fanalana ketrona betsaka ilay izy, sy betsaka an'ity, mba—mba ampiarahana amin'ilay izy.

¹⁷⁵ Teto vao tsy ela akory izay, nitsangana aho tao amin'ny—ny tranombakoka iray tany Tennessee. Nandalo teo amin'ny toerana kely izay aho, ary nampiseho ny fanadihadiana ny vatan'olombelona izy io. Izany dia nilaza fa ny olona iray izay nilanja dimampolo amby zato livatra, ao amin'ny ara-simika dia efatra amby valopolo cents ny teti-bidiny. Ankehitriny, olona malaza ianareo, sa tsy izany, efatra amby valopolo cents? Ary ireo vehivavy sasany dia, ireo vehivavy Pentekotista, dia hitafy akanjo ambony vita amin'ny hodi-bibidia iray dimanjato dolara dia manangana ny lohany, raha avy ny orana, dia hahafaty an-drano azy ireo izany, nefo dia tsy efatra amby valopolo cents akory aza ny teti-bidin'izy ireo, marina izany, amin'ny ara-simika. Izany no fahamarinana, fa tsy vazivazy. Izany no fahamarinana. Efatra amby valopolo cents, saiky sokay fotsy hafafy amin'ny tranon'akoho iray fotsiny, sy sokay kely dia kely sy ny sisa. Efatra amby valopolo cents, dinihonareo tena akaiky izany.

¹⁷⁶ Mandeha mankany amin'ny trano fisakafoana ianareo dia mahita... maka lasopy iray vilia ka nisy hala anankiray tao anatin, hitory an'ilay trano fisakafoana ianareo.

¹⁷⁷ Nefo ny devoly dia havelanareo handetika an'ireo zavatra ratsy sy maloton'ny televiziona sy ny karatra ao anatin'ny tendanareo, sy hitelina an'izany; hanao anareo hiakanjo fitafiana maloto, ireo vehivavy ireo, ireo akanjo ratsy tery kely tahaka ny saosisy voaenda-koditra ireny, dia mandeha mivoaka eto an-dalambe eto tahaka an'izany. Fa mba fantatrareo ve, ranabaviko, tsy miteny an'izany mba hivazivaziana aho. Tsy azonareo tsara aho.

¹⁷⁸ Henoy. Izao no ho lazaiko. Raha manao tahaka an'izany ianareo, dia ho isan'ny mpijangajanga anankiray ianareo amin'ny Andron'ny Fitsarana. Marina. Hoy Jesosy hoe, "Izay rehetra mijery vehivavy mba hila azy dia efa njangajanga taminy tao am-pony." Ary rehefa tsy maintsy hamaly io mpanota io nohon'ny njangajangany, iza ilay izy? Ianareo. Iza no nahatonga an'ilay izy? Ianareo. Marina izany. Raha mamoaka ny tenanareo any ianareo, hiseho eo anoloan'ireo lehilahy, mba ho tonga tahaka an'izao tontolo izao sy mitafy tahaka an'izao tontolo izao.

¹⁷⁹ Niteny an'izany aho indray mandeha, ary vehivavy anankiray, Louisville, Kentucky, hoy izy hoe, "Eny, henoy eto, Atoa. Branham. Homeko mba ho fantatrao izao ankehitriny izao!"

Hoy aho hoe, "Eny, madama?"

Hoy izy hoe, "Izao ihany no fitafy tokana izay amboarin'izy ireo."

Hoy aho hoe, "Manamboatra milina fanjairana sy mivarotra ny tsara izy ireo."

¹⁸⁰ Izany dia satria ianareo no te-hanao. Misy zavatra tsy mety ao anatinareo ao. Tena marina mihitsy izany. Manao an'ilay izy ianareo tsy hoe satria lamaody ilay izy. Manao an'ilay izy ianareo tsy hoe satria voatery ianareo. Manao an'ilay izy ianareo satria ianareo no te-hanao.

¹⁸¹ Mifoka ianareo satria ianareo no te-hanao. Tsy voatery ianareo. Heveriko fa ny zavatra donendrina indrindra izay hany hitako dia ny vehivavy iray izay mandeha eny an-dàlambe, tahaka ny hitanareo rehetra, amin'ny fiarakodia, miaraka amin'ireo sigara eo anelanelan'ny rantsan-tànany. Nahoana, fahafaham-baraka izany. Izany no antokon'ny mpanakorontana lehibe indrindra izay ananantsika eto amin'ny firenena, nefà ireo dokotera sy ny siansa ara-pahasalamana dia milaza fa feno homamiadana sy ny sisa rehetra izany. Ary izy ireo dia mitsentsitra an'ireny, lalandava.

¹⁸² Jereo ny vehivavy anankiray, natao ho Kristiana iray, mitsilany eo amin'ny morom-pasika iray, amin'ny filomanosana miaraka, manao akanjo filomanosana, mitsilany eo. Manana zazavavy anankiroa aho. Tsy milaza aho hoe tsy hanao an'izany izy ireo. Milaza izy ireo fa manao fitinan'an'andro anankiray. Hahazo ny fitinan'an'ny zanaka izy ireo raha mbola velona aho. Ho zanak'ity izany. Hitanareo? Ho zanak'Atoa. Branham izany, miaraka amin'ny hazo fisaka iray tahatahak'izao ny halavany. Mino aho fa ratsy izany.

¹⁸³ Avy eo isika dia miantso ny tenantsika hoe, "Oh, mambra anankiray an'ny fiangonana Pentekotista isika." Oh, mbà menatra ianareo! Marina. Mila fanadiovana iray ny fiangonana Pentekotista, hatramin'ny farany manomboka any aloha ka

hatrany aoriana, sy manerana ny any ambany vanona sy ambany rihana, ary ny rihana ambony. Marina izany. Kanefa, ao amin'izany rehetra izany, dia izany no tsara indrindra azontsika. Saingy izany dia mety . . .

¹⁸⁴ Tahaka ny tamin'ny fikomiana mihitsy ary nandrity ny andron'i Jeanne d'Arc, nila fikomiana anankiray i Frantsa, avy eo dia nila fanoheram-pikomiana iray izy ireo mba hanarina ny sasany tamin'ireo zavatra izay nikomian'izy ireo.

¹⁸⁵ Ary mila fikomiana anankiray ny fiangonana Pentekotista. Marina. Mila tokoa. Fikomiana iray manohitra an'ireo zavatra izay ratsy, ka manaiky an'ireo zavatra izay tsara, amena, batisa iray vaovao an'ny Fanahy Masina: "Fiangonana iray manao ny Tenany ho vonona!"

¹⁸⁶ Tsarovy, ilay izy dia tsy ho . . . Tsy afaka miteny ianareo hoe, "Eny, ankehitriny, izaho dia an'ity, ny Assemblées. Izaho dia an'ny Foursquare, na ny Fianganan'Andriamanitra, na ny Anaran'i Jesosy," na—na ny iray amin'ny sisa amin'izy ireo. Tsia! Tsy mahazo miditra ao amin'ny iray amin'izy ireny ianareo.

¹⁸⁷ Miantso anareo amin'ny maha-isam-batan'olona iray Andriamanitra. Ary ianareo no tsy maintsy midio, satria, "Haka vahoaka iray avy amin'ny Jentilisa Izy, noho ny Anarany, ny Ampakariny, ilay Jentilisa."

¹⁸⁸ Nanadio ny tenany i Ester. Nanadio ny fony izy. Izany no nodioviny. Izany no ilain'ny fiangonana: fanadiovam-po iray.

"Ahoana no hanadiovanao ny fonao, Rahalahy Branham?"

¹⁸⁹ "Voasasan'ny ranon'ny Teny," tamin'ny alàlan'ny Ràn'i Jesosy Kristy."

¹⁹⁰ Ny Baiboly no nilaza fa ratsy ho an'ny vehivavy ny manao an'izany fomba izany, ary ho an'ny lehilahy ny mamela azy ireny hanao an'izany. Ianareo roa izany. Ny lehilahy iray izay hamela ny vehivaviny hivoaka eny an-dàlambe mitanjaka, manao akanjo tahaka an'izany, dia kely fotsiny no fiheverako azy ho lehilahy anankiray. Saribakoly anankiray izy. Marina izany. Ampiasainy ho fanasan-damba iray izy. Mbà menatra ianareo. Tokony ho lehilahy ianareo.

¹⁹¹ Ary ny pasitera iray izay hamela ny fiangonany hilamindamina amin'ny zavatra toy izany, tsy manapoaka an'ilay godorao hiala eo amin'ny polipitra. Sarim-bavy iray izy. Ny ilaintsika dia lehilahy, ilay Filazantsara, tsy miaraka amin'ny fingotra fonon-tàhana, fa miaraka amin'ny hery sy ny fanehoan'ny Fanahy Masina, miaraka amin'ny Teny. Ny Baiboly dia milaza fa ratsy ireo zavatra ireo. Ratsy ho an'ny olona ny manao an'izany fomba izany, mihetsika amin'izany fomba izany. Tokony ho toriana izany, sy iainana, ary na aiza na aiza. Na, mila fanasana iray ny fiangonana, fanadiovana iray.

¹⁹² Nanasa ny fony teo anoloan'Andriamanitra i Estera, nandeha niaraka tamin'ny fanahy malemy sy manetry tena; ilay Fiangonana izay ho lasa Ampakarin'i Kristy. Ankehitriny, tsarovy, nandà ny haingon'izao tontolo izao i Estera. Nandray ny Fanahy tao am-pony izy, mba handehanana eo anoloan'ilay mpanjaka.

¹⁹³ Ary ny vehivavy amin'izao andro izao, ilay fiangonana izay mihevitra fa handeha hiditra izy satria nahazo hamaroana betsaka, izy no vahoaka tsara akanjo indrindra, izy no manana ny rafi-pandaminana goavana indrindra, ilay fiangonana goavana indrindra ao amin'ny tanàna, sy ny sisa tahaka an'izany, ho diso an'izany any amin'ny an-tapitrisany maily ianareo raha miankina amin'izany.

¹⁹⁴ Ilay izy dia mora, malemy, manaja eo amin'ny Tenin'Andriamanitra, "voasasan'ny ranon'ny Teny," ary ny Teny ao anatinareo. Izany no fanasana iray. Amena. Mila fanasana iray ny fiangonana, fanasana iray an'ny Filazantsara feno. Marina izany. Tsy hoe fanasana ampahany iray fotsiny, fa fanasana iray an'ny Filazantsara feno, voadio, "lasa olom-baovao ao amin'i Kristy Jesosy."

¹⁹⁵ Ny Ampakarin'i Jesosy dia tsy ampakarina maloto anankiray. Tsy haka ny Azy maloto Izy, Ampakarina.

¹⁹⁶ Raha tonga ny vehivavy anankiray mba hanambady, ka toy ny hoe nivoaka avy tao amin'ny tranon-kisoa iray izy eo; ny lehilahy anankiray izay manana ny fahamendrehany, dia tsy hanambady azy. Hasainy manadio ny tenany izy.

¹⁹⁷ Ary rehefa tonga ny fiangonan'i Kristy mba hanambady, mihevitra fa hiditra ao amin'ilay Ampakarina izy, miaraka amin'izao tontolo rehetra izao miraikitra eo aminy, tsy ho tahaka an'izany ny Ampakarin'i Kristy. Tsia, tompoko.

Tsy maintsy mandeha haingana aho.

¹⁹⁸ Na dia ny Fiangonan'i Kristy ihany koa aza, an'i Jesosy Kristy Tompo, io Fiangonana io dia tsy Fiangonana misaringomborodamba, na koa, miaraka amin'ireo vorodamba tontan'ny anaram-piangonana. Tsy mila ny ho mambra an'ny anaram-piangonana lehibe iray Izy. Tsy maintsy voasasan'ny Rà Izy, voavidin'ny Rà. Fa tsy miteny hoe izahay dia an'ilay fiangonana lehibe indrindra, ilay rafi-pandaminana lehibe indrindra, na *ity, itsy*, na ny *hafa*. Tsy maintsy mangarangarana Izy, nohamasinina, masina, tsy misy pentina na fiketronana, tamin'ny alàlan'ilay Ràn'ny—ny Mpamonjiny, Jesosy Kristy.

¹⁹⁹ Tahaka an'i Estera, ilay Lehilahy miafina ao am-po, ilay Lehilahy miafina, ilay fahalemena sy fahamoran'ny Fanahin'Andriamanitra, tao anatin'ilay fon'olombelona; fa tsy ilay voninahitra sy ny sokajin'izao tontolo izao.

²⁰⁰ Nilaza foana aho fa izao tontolo izao dia mamiratra; fa ny Filazantsara dia manjopiaka. Oh, mifanalavitra any amin'ny an-tapitrisany maily izany. Hollywood dia mamiratra; fa ny Fianganon'i Kristy dia manjopiaka miaraka amin'ny hatsarantarehy, sy mora, ary tsara fanahy, malemy. Marina izany.

²⁰¹ Tsy nila nampihaingo ny tenany tamin'ireo akanjo moderin'izao tontolo izao i Ester. Tsy ho tahaka an'izany ny vadin'ny mpanjaka anankiray.

²⁰² Ary isika ve, maniry ny hitovy amin'izao tontolo izao, ka ho tahaka ny Vadin'ny Lehilahy Masina iray? Isika, amin'ny maha-Fianganon'Andriamanitra velona ve, dia hanaingo ny tenantsika amin'ireo zavatr'izao tontolo izao, ary avy eo dia ho tahaka ny Vadin'ny Lehilahy Masina iray? Mety ho ara-boajanahary ve izany?

²⁰³ Raha mahita lehilahy iray ianareo androany, izay natao ho lehilahy masina iray; indro tonga ny vadiny, mitovy amin'ilay vadin'ny filoha, anankiray amin'ireo mibontsim-bolo tahaka an'izao; sy karazan-javatra mena eo amin'ilany, ary karazan-javatra maintso eo amin'ny ilany hafa, ary—ary toy ny hoe voadonan'ny borosin-doko anankiray ilay vava; sy ireo karazan-javatra rehetra tahaka an'izany, mandeha eny an-dàlambe, ao anatin'ireo akanjo saosisy tery kely tahaka an'izany; sy vodin-kiraro saiky izao ny haavony, miolankolana eo, midoladola eny an-dàlambe; ka manao hoe, “Izany no vadin'ny lehilahy masina iray”? Tsy miteny kivazivazy aho. Manao filazana fotsiny aho.

²⁰⁴ Nandeha tao amin'ny anankiray amin'ireo hetsika Pentekotista malaza aho, teto vao tsy ela akory izay. Nanangana trano lay anankiray aho. Ary hoy ilay pasitera tamiko, hoy izy, “Ny vadiko no mpitendry orga.”

Hoy aho hoe, “Tsara izany, rahalahy.”

“Manelingelina anao ve raha izy no mitendry?”

Hoy aho hoe, “Tsia. Tsia, tompoko. Azoko antoka fa tsy manelingelina.”

²⁰⁵ Dia nandeha teo amin'ilay mpikarakara izy. Nilaza ilay mpikarakara, Rahalahy Baxter, hoy izy, “Tena tsara izany.”

²⁰⁶ Hoy izy hoe, “Rahalahy Branham, avia eto. Tehampahafantatra ny vadiko aminao aho.” Dia nandeha teo aho.

²⁰⁷ Mamelà ahy azafady. Hitanareo? Izaho tsy miezaka, manao amintsika fa—fanamarihana iray. Miezaka manao filazana iray aho. Hitanareo?

²⁰⁸ Ary nanao ny anankiray amin'ireny lokon-tarehy eto ireny ilay vehivavy. Izaho tsy mahafantatra. Ilay karazan-javatra, fantatrareo, voavoatra tsara daholo, ary tsy mbola nahita toy izany mihitsy aho teo amin'ny fiainako; ary akanjo iray izay misokatra be eto, tsy misy lamosina, ary saiky hatrany amin'ny farany ambanin'ilay izy. Ary izaho—izaho dia tsy mbola nahita

fampisehoana toy izany mihitsy teo amin'ny fiainako. Ary nanana kavina goavana be izy nihantona tahaka an'izao, sy ireo karazan-javatra marobe rehetra teo aminy.

²⁰⁹ Dia njery manodidina aho. Nieritreritra aho hoe, “Oh, ity izaho!” Batista iray aho, ary izaho dia mahafantatra tsaratsara kokoa noho izao. Nijery indray aho. Hoy aho . . .

²¹⁰ Ankehitriny, azafady, tsy vazivazy ity. Saingy tsy maintsy nolazaiko tamin'ilay rahalahy izany, ary manantena aho fa nanampy azy izany. Tsy milaza an'izany mba ho hafa; raha nanao an'izany aho, dia mpihatsaravelatsihy iray aho, hitanareo, mila sasana, ny tenako.

Hoy aho hoe, “Ramose, nilaza ve ianao fa masina anankiray ny vadinao?”

Hoy izy, “Oh, eny.”

²¹¹ Hoy aho hoe, “Toa tahaka ny tsy izy anankiray izy, amiko.” Hoy aho hoe, “Izaho—izaho dia tsy mbola nahita fiseho toy izao mihitsy teo amin'ny fiainako, amin'ny maha-vadin'ny mpitoriteny iray. Tsy tahaka an'izany ny vadin'ny lehilahy masina iray.”

²¹² Ary na ny fiangonan'Andriamanitra velona koa aza, dia tsy miankina amin'ireo lamaodiny, ireo fetin'ny diteny, sy fetim-panambakana, sy ireo lalao karatra, sy ireo dihy, sy ara-tsosialy, manaingo ny tenany tahaka an'izany, miaraka amin'izao tontolo izao, mba ho tahaka ny Ampakarin'Andriamanitra Masina iray. Nefa dia mifoka sigara izy, sy mandihy, sy ireto fety, sy ireo lasopin'ny sakafotra hariva, ary fisotroana mifangaro, sy ny rehetra tahaka an'izany, ary milaza ve fa izy ireo no Ampakarin'i Kristy? Tsy tahaka an'izany ny Vadin'ny Lehilahy Masina iray, amiko. Tsia, tompoko. Tsy hifidy zavatra toy izany Izy. Haka vehivavy iray izay mahitsy Izy, hitovy amin'izay Niezahany hatolotra. Mino aho fa izany no marina. Mety handratra kely izany.

²¹³ Maty ilay reniko antitra tatsimo. Fony aho mbola zazalahy kely, izahay dia zatra . . . Tsy nanana na inona na inona ho hanina, saiky, ary nihinana tsaramaso mainty sy mofo katsaka izahay. Tsy fantatro raha hainareo hoe inona izany na tsia. Noho izany izahay dia tsy nanana . . . Tsy mba nanana jabora iray izy nandritry ny taona, ary izahay dia saiky tsy maintsy naka lapoely tranainy lehibe tahaka an'izao, ary nametraka hodin-kena tao anatiny. Nandeha tany amin'izay nandidian'izy ireo izahay, na ireo mpivarano-kena no mandidy an'ilay hena ka manome anay an'ilay hoditra. Dia nempoinay ilay izy, mba hahazoana jabora, ary ararakay ao ilay izy.

²¹⁴ Isaky ny Asabotsy hariva, dia nilaza i mama fa nila fatra iray an'ny menaka kastôro izahay. Ary izaho—izaho dia tsy mahatanty an'ilay karazan-javatra mihitsy na hatramin'izao aza. Fa tsy maintsy naka an'ilay izy aho. Nanatona azy aho, nihazona ny oroko tahaka an'izao. Hoy aho hoe, “Mama, izaho—

izaho dia tsy mahazaka an'ilay izy." Hoy aho hoe, "Tena mankarary ahy mafy ilay izy."

Hoy izy hoe, "Raha tsy mankarary anao ilay izy, dia tsy hahasoa anao izany."

²¹⁵ Koa heveriko fa izany no fomba amin'ny fitoriana ny Filazantsara. Raha tsy manaitra kely anareo Izany, manao ny...hahatsapa fa nanomboka tsara ny sakafom-panahinareo, hamparary kely anareo, mba handinihanareo ny tenanareo miaraka amin'ny Baiboly: hahita raha ilay fahatezerana fahiny, sy fitiavan-tena, faharatsiam-panahy, fitiavana an'izao tontolo izao, televiziona, sy ireo zavatra amin'ny alina; ka mamela ny fiangonana ho foana, sy ireo dabilio navela ho foana. Nefa, tokony ho any ivelany ianareo tahaka an'i Jesosy, manana ny Fanahiny ao anatinareo ianareo, miezaka mahazo ny olona rehetra eto amin'ny firenena ho tonga ao amin'ny fiangonanareo, mba handray an'i Kristy. Dia miantso ny tenantsika ve isika avy eo hoe Ampakarin'i Kristy? Oh, mampalahelo, ry sakaiza!

²¹⁶ Tonga ny ora. "Efa nanao ny Tenany ho vonona ny Ampakariny." Oh! "Nanao ny Tenany ho vonona." Nanaisotra an'ireo zavatra rehetra ireo Izy. Tsarovy, Estera no voafidy, fa ireo hafa dia nolavina. Ary ireo izay nateraka indray irery ihany, izay nanana an'ilay Fanahin'Andriamanitra, no ho ilay Voafidy amin'izany Andro izany, ka hipetraka eo ambonin'ny Lohany ilay satroboninahitry ny voninahitra. Fa ny hafa dia ho lavina.

²¹⁷ Mamelà ahy hilaza zavatra kely aminareo izay nitranga. Izaho—izaho, izaho dia misionera iray, araky ny fantatrareo, manao asan'ny evanjelista, misionera, teo amin'ny impito teo tany ampitan-dranomasina, nanerana an'izao tontolo izao. Teto, vao tsy ela akory izay, tao an-tanànan'i Roma, Roma dia tanàna malaza iray an'ny zava-kanto. Ary nanana sekolin'ny zava-kanto iray izy ireo tany, ary maro amin'ireo tanorantsika Amerikana no mandeha any isan-taona, mba hahazo fiofanana amin'ny zava-kanto iray na roa taona, mba hianatra handoko sary. Nisy andiana tanora Amerikana iray tonga tany, taona vitsy lasa izay, araka ny nilazana an'ilay tantara tamiko. Ary rehefa tonga tany izy ireo, dia lasa kisoa-dia mihitsy izy ireo. Rehefa ao Roma izy ireo, dia manao an'izay ataon'i Roma: mivoaka dia misotro, ary mampitanjaka ny tenany, sy ny zavatra hafa, sy fahadalana, na ny zazalahy na ny zazavavy.

²¹⁸ Ary nisy sekoly anankiray tany. Ary tao amin'io sekoly io, io—io andiana tanora Amerikana io dia nandeha tao. Ary ny tsirairay tamin'izy ireo, saiky, dia nanao an'ilay zavatra mitovy. Saingy tovovavy kely anankiray kosa, izy dia tsy nahalefitra an'izany, intsony mihitsy. Nijanona tao anatiny izy. Tamin'ny andro alina, dia namaky izy raha nivoaka tany ivelany mba hisotro izy ireo. Ny andro atoandro, niasa izy, nianatra. Eny, izy no fihomehezan'ilay sekoly manontolo. Ary nihazona ny tenany

toy ny ramatoa anankiray izy, nitondra ny tenany toy ny ramatoa anankiray. Na dia teo aza ireo tovolahy tanora Romana sy ny sisa nanodidina, niezaka ny hahazo azy mba handeha hivoaka, dia nolaviny izany. Tsia, tompoko. Nijanona mihitsy teo amin'ireo lesony izy, nianatra nanao sary, sy nandoko, raha ny marina. Ary nijanona tamin'izany izy.

²¹⁹ Farany, dia tsy nitsahatra nandinika azy ny mpiandraikitra antitra anankiray, nahita fa tena hafa loatra izy, na dia Katolika Romana iray aza izy, tsy nitsahatra nandinika azy, hoe ahoana no nitondrany ny tenany. Indray hariva, ilay tovovavy, tao amin'ny vala iray izay nisy an'ilay—ilay trano fiasana, nahoana, na ilay toerana izay nananan'izy ireo an'ilay sekoly, dia nivoaka an'ilay foiben-toerana izy, ary nandeha nihanika an'ilay tampon-kavoana, ary efa silentika ny masoandro. Dia nitsangana teo izy, miaraka amin'ilay endriny tsara tarehy, madio, ary ny volony nihantona, njery ny tery am-pitan'ilay lalana nankany amin'ny fodian'ny masoandro.

²²⁰ Nanadio ny teo amin'ny tokontany ilay mpiandraikitra antitra. Tsy nitsahatra nandinika an'ilay zazavavy izy, raha nanadio. Nisy zavatra tsy nitsahatra niteny taminy hoe, “Mandehana, miresaha aminy.” Koa dia napetrany teo ilay fanadiovany, nesoriny ny satrony be velarana, nandeha teo amin'izay nisy an'ilay zazavavy izy. Nanadio ny feony izy. Niherika izy. Hoy izy hoe, “Mamelà ahy, ramatoakely.”

Hoy izy hoe, “Eny, tompoko. Izany tokoa.”

²²¹ Ary tsikariny fa nitomany izy. Ny sisa rehetra dia tany ivelany tany amin'ny fanasana iray nandrity ny alina. Hoy izy hoe, “Madama, manantena aho fa hahazo ahy amin'ny fomba mahitsy ianao, fa hiresaka aminao fotsiny aho.” Hoy izy, “Ianao dia efa teto, teo amin'ny roa taona mahery teo izao. Ary voatsikaritro ilay andiany izay niarahanao, any ivelany any amin'ny fety any foana izy ireo, ary miditra amin'ny fotoana rehetra amin'ny alina izy ireo, mamo, ary ny akanjony dia ny antsasany sisa, sy ny sisa rehetra. Saingy tsikaritro fa ianao dia tsy mba manatrika ny fety toy izany.” Ary hoy izy, “Izaho—izaho dia mahatsikaritra an’izany, araka ny hita, fa mijery foana ny any ampitan’ny ranomasina ianao. Amin’ny hariva, dia miakatra eto ianao, ary mitsangana eto isan-kariva, ka mandinika ny masoandro mody.” Ary hoy izy, “Inona, inona no mahatonga an’izany?” Hoy izy, “Izaho dia lehilahy antitra anankiray. Ary izaho—izaho dia liana ny hahafantatra an’izay mahatonga an’io fahasamihafana io eo aminao sy ireo hafa.”

²²² Hoy izy hoe, “Eny, tompoko.” Hoy izy hoe, “Tompoko, mijery mankany an-trano aho rehefa milentika ny masoandro.” Hoy izy hoe, “Any ampita, any ankoatra lavitr’io masoandro io no misy ny fonenako.” Ary hoy izy hoe, “Ao amin’izany tany izany dia misy fanjakana iray. Ary ao amin’izany fanjakana iray izany dia misy

tanàna iray. Ary ao amin'izany tanàna iray izany dia misy trano iray. Ary ao amin'izany trano iray izany dia misy zazalahy iray.” Hoy izy, “Izy, ihany koa, dia mpanakanto iray. Rehefa lasa aho, mba ho tonga eto, dia nanaiky ny fitiavako ho azy. Efa nifanaiky izahay.”

²²³ Dia hoy izy hoe, “Tsy mampaninona izay hataon’ny sisa rehetra amin’izy ireo, tsy misy idirako izany.” Hoy izy hoe, “Efa nanome toky aho ny hiaina marina sy mahitsy.” Ary hoy izy hoe, “Izaho dia maniry mafy an’ilay andro izay hahatsapan’ny tenako ho eo ambonin’ireo elat’io fiaramanidina lehibe io izay hitondra ahy hiampita ny ranomasina ka hametraka ahy ao amin’ny seranam-piaramanidina izay hihaonany amiko. Eo am-panorenana trano iray izy, ary hiaina miaraka izahay ao amin’izany tany izany.”

²²⁴ Ary hoy izy, “Izany no antony hanaovako an’ilay fomba izay ataoko. Marina amin’ilay fanomezan-toky izay nataoko tamin’ny zazalahy iray aho. Ary izy dia marina amin’ilay fanomezan-toky ahy.” Hoy izy, “Mandre ny aminy aho, tsy tapaka, ary izaho manoratra ho azy, ka,” hoy izy, “mifandray izahay. Mbola mihazona ny voadinay izahay, miandry an’ilay andro izay hihaonanay.”

²²⁵ Oh, toy ny ahoana no ataon’izany ho an’ny tena Kristiana anankiray, miala lavitra an’ireo zavatr’izao tontolo izao. Ary indray andro any, dia miresaka ny amin’ny fahatongavana eo amin’ilay seranana ianareo, eo ambonin’ireo elatry ny Voromailala anankiray! Tonga ho an’ny Ampakarina iray Izy, anankiray izay tsy miadaladala amin’izao tontolo izao na ireo zavatr’izao tontolo izao. Voasasa tao amin’ilay Ràn’ny Zanak’ondry Izy. Izy dia nanaiky Ny—Ny fitiavany ho Azy irery ihany. Ny fitiavana an’izao tontolo izao dia lasa sy maty ho Azy. “Tonga ny fampakaram-badin’ny Zanak’ondry, ary efa nanao ny Tenany ho vonona ny Ampakariny.”

Ndao isika hieritreritra an’izany raha manondrika ny lohantsika vetivety fotsiny isika.

²²⁶ Indray andro, raha nijery tany amin’ilay filentehan’ny masoandro aho, izaho koa, iraika amby telopolo taona lasa izay, dia nanao fifanekena tamin’ilay Anankiray izay tiako, ny fitiavako rehetra Aminy. Niegaza foana aho ny hijoro ho Azy sy ny Teniny, na aiza na aiza alehako. Fantatro fa misy hafa marobe mipetraka eto, tahaka an’izany, miandry an’ilay andro izay hidiran’ilay sambo tranain’i Ziona ao amin’ny seranana, haka ny fanahintsika sy handray antsika ao amin’ny Fanatrehan’Ilay Izay tiantsika ary nanekentsika ny fitiavantsika.

²²⁷ Mety misy sasantsasany eto izao hariva izao, izay tsy mbola nanao an’izany fanekena izany mihitsy. Mety misy sasantsasany izay nanao an’ilay izy nefá nanapaka an’ilay izy. Raha ao amin’izany toerana izany ianareo izao hariva izao, ry sakaiza,

nahoana ianareo no tsy hiverina indray izao hariva izao ka hanavao ny fanekenareo? Raha tsy nanao ianareo, ataovy ilay izy. Nahoana ianareo no tsy ho tonga ka hanao an'ilay izy izao hariva izao? Manaova hoe, "Tompo Jesosy, tiako Ianao."

²²⁸ Tsarovy, raha toa ka efa nanao ny fanekenareo ianareo, ka mbola mifampikasokasoka amin'ireo zavatr'izao tontolo izao, dia tsy haka ampakarina iray tahaka an'izany Jesosy. Tsy haka anankiray izay mpijangajanga Izy. Ny fitiavanareo rehetra dia tsy maintsy ho Azy. Ary raha tia an'ireo zavatr'izao tontolo izao ianareo, sy ireo lamaodin'ity izao tontolo izao ity, mihoatra noho ny itiavanareo an'Andriamanitra, dia tsy nanao ny tenanareo ho vonona izany ianareo.

²²⁹ Ato ve izany olona izany izao hariva izao, raha manondrika ny lohantsika isika, atsangano ny tànanareo, manaova hoe, "Rahalahy Branham, mivavaha ho ahy. Te-ho tahaka an'izany aho. Izaho—izaho te-ho ampanahan'ilay Ampakarina. Ary fantatroy fa manao zavatra izay tsy tokony hataoko aho. Mivavaha ho ahy"? Andriamanitra hitahy anao, ranabaviky Indiana. Andriamanitra hitahy anao, ranabavy. Ary ianao, rahalahiko. Ary ianao, rahalahiko. Anankiray hafa? Atsangano ny tànanareo, manaova hoe, "Mivavaha ho ahy, Rahalahy Branham. Izaho—izaho—izaho—izaho dia mahafantatra fa tsy marina aho."

²³⁰ Ankehitriny aoka hahitsy fo ny tenanareo. Mitodiha amin'ny fiainanareo. Tsy maintsy mitodika ianareo alohan'ny hahafahanareo mandroso. Jereo izay naha-izy anareo. Jereo hoe inona no nampanaojin'ilay fanahy anareo izay azonareo. Raha tsy manana ianareo... Raha milaza tena ho Kristiana iray ianareo, nefy mbola mifampikasokasoka amin'ireo zavatr'izao tontolo izao, rahalahy, ranabavy, dia ahoana no tsy haha-jamba anareo raha tsy mahita ianareo fa diso?

²³¹ Olona anankiray no niteny indray andro, hoy izy, "Rahalahy Branham, tokony avelanao ho tahaka an'izao ny olona." Hoy izy, "Ny olona dia miantsy anao ho mpaminany."

Hoy aho hoe, "Tsy mpaminany aho."

²³² Hoy izy, "Fa ny olona dia mihevitra fa izany ianao. Tokony ampiaraninao ireo vehivavy ireo. Raha tokony hiteny aminy mba hitondra volo lava sy karazana akanjo tsara sy ireo zavatra tahaka an'izany, dia tokony hiteny amin'izy ireo ianao hoe ahoana no hahazoana an'ireo zavatra ara-panahy."

²³³ Hoy aho hoe, "Ahoana no ahafahako mampianatra azy ireny ny alizebra, nefy izy ireo tsy mandray akory an'ireo ABD, [ABC's amin'ny teny Anglisy—Mpand.] ilay kilasin-jaza? Izy ireo aza tsy manana an'ilay fitondran-tena tsara mahazatra mba hanadio ny tenany, miantsy hoe, 'Ny Ampakarin'i Kristy'!" Tsy miteny an'izany am-pahatezerana aho. Miteny an'izany amin'ny fitiavana masina aho.

²³⁴ Tahaka ny nolazaiko aninkeo maraina, raha hitako fa mandeha eo amin'ny renirano ao anaty lakana iray ianareo, ka mahita fa hidona amin'ireo rian-drano ianareo, tsy ho tafavoaka amin'izany ilay lakana, dia hikiakiaka aminareo aho ary hivazavaza aminareo, tsy miezaka ny handratra anareo aho. Tiako ianareo. Satria, raha tsy izany ianareo, dia ho very ny ainareo.

²³⁵ Misy anankiray hafa ve, hanangana ny tànany alohan'ny hivavahantsika? Hitako ianao, iry aoriane iry. Andriamanitra hitahy anao, sy ianao, ianao. Fantatrareo fa ny fiainanareo no maneho fa diso ianareo. Mbola tia an'izao tontolo izao ianareo mihoatra an'Andriamanitra, amin'izay fotoana izay dia misy zavatra tsy mety any ho any. Jereo ny tenanareo. Ery amin'ireo efitra ery, atsangano ny tànanareo, manaova hoe, "Mivavaha ho ahy, Rahalahy Branham." Andriamanitra hitahy anareo. Andriamanitra... Marina izany. Am-pahatsorana tanteraka, izaho—izaho dia midera ny fahatsoram-po.

²³⁶ Izany no olana amin'ny fiangonana Pentekotista amin'izao andro izao. Tsy manana an'ilay tena fahatsoram-po izay nananantsika taloha isika. Tsy manana an'ilay fahasahiana mba—mba ho tonga isika ka hiteny an'izany, hanaiky fa diso isika. Manana an'ilay fihazonana mafy mihitsy ny devoly eo amin'ny fiangonana hany izy ka mitsikasinkasina fotsiny ao anatin'ilay fotak'izao tontolo izao. Aza manao an'izany.

²³⁷ Ny fiainanareo manokana no manaporofa fa tsy nahazo an'izay lazainareo fa azonareo ianareo. Noho izany dia nahoana no tsy hiaiky an'ilay izy? "Izay hiaiky ny fahotany no hahazo famelana: izay manafina ny fahotany no tsy hambinina." Tsy afaka manafina an'izany ianareo. Fantatr'Andriamanitra daholo ny momba an'izany. Ary raha mahita ianareo ka mahafantatra fa tsy miaina mahitsy ianareo, amin'izay fotoana izay dia nahoana no tsy hiaiky an'ilay izy, dia mivoaka ary manao an'izany ho mazava?

²³⁸ "Ny fahotan'ny olona sasany dia mialoha azy; ny sasany manaraka." Avelao ny ahy handeha aloha. Avelao aho hiteny ny ahy rehetra izao ankehitriny izao. Avelao Andriamanitra hanitsy an'ilay izy. Izany no tokony hataontsika.

²³⁹ Misy eo amin'ny enina na valo ny tànana nitsangana. Tena azo antoka fa misy maro noho izany ato amin'ity fiangonana kely ity, izao hariva izao, amin'ny olona zato na roa-eto, na angamba dimampolo amby zato. Andriamanitra hitahy anao, ry tovolahy. Ankehitriny, Andriamanitra hitahy anao, ramatoa. Andriamanitra hitahy anao, ranabavy. Marina izany. Andriamanitra hitahy anao, anaka. Tsara izany.

²⁴⁰ [Elanelana tsy voaraki-peo—Mpand.]... -tista vehivavy dia tsy nanapaka ny volony taloha, saingy ataon'izy ireo izany amin'izao andro izao. Inona no mitranga? Izy ireo taloha

tsy nanamboatra...nanao—nanao lokon-tarehy. Tsy nanao ny reninareo, raha pentekotista izy. Inona no mitranga amin'izao andro izao? Satria mitsikasinkasina ao anatin'ireo zavatr'izao tontolo izao izy ireo. Ary izao tontolo izao dia mijery antsika. Isika dia milaza tena ho Fianganon'ny fahamasinana iray. Inona ny olana? Tsy tahaka an'ilay Ampakarin'i Kristy isika. Mikasika anareo lehilahy any, dia zavatra mitovy. Rahalahy, mbà menatra ianareo.

²⁴¹ Ray An-danitra, rehefa mijery manerana aho, ka manao antso iray ety amin'ny alitara amin'izao fomba izao, mananatra, nanendaka, toy ny hoe henjana ilay izy. Saingy ao anatiko ao dia mandeha rà, rehefa fantatro fa manakaiky ny farany izahay. Ho vakivaky ireo lakana kely ireo, indray andro any. Handona ilay fahafatesana, sy ireo tolona. Ary impiry moa aho no efa nantsoina ho eo anilan'izy ireo, ary nandre azy ireo nanao hoe, "Oh, Rahalahy Branham, raha mba afaka ny hiaina indray amin'ilay izy fotosiny aho mantsy." Amin'izay fotoana izay, raha mbola afaka izy ireo, Tompo, ny hanitsy an'ilay izy!

²⁴² Miezaka ny manao ny tsara indrindra amiko aho. Andriamanitra, enga anie ny Fanahy Masina hanambara an'izany amin'ny olona, fa miezaka ny manampy azy ireo fotosiny ihany aho, fa tsy mandevilevy azy ireo. Fa, araka ny nolazain'i Paoly, fahiny! Andriamanitra, tsy tia azy ireo ho voaratra aho, fa tiako ny handratra azy ireo mba ampy hahitan'izy ireo an'izay naha-diso azy ireo.

²⁴³ Mivavaka aho mba Hanekenao, izao hariva izao, an'ireto olona ireto, izay manangana ny tànany, miaraka—miaraka amin'ny fanajana ampy mihitsy aza mba—mba hahafantatra, eo anatrehan'Andriamanitra, fa diso izy ireo, ary te-hahitsy izy ireo. "Mitadiava, dia hahita ianareo. Mandondona, dia hovohana izany." Fa raha tsy mandondona mihitsy ianareo, ahoana no Hamohany? Raha tsy mitady mihitsy ianareo, ahoana no hahitanareo?

²⁴⁴ Aoka ny Fanahy Masina, Tompo, no hitondra an'ireto olona ireto ho amin'ny fahafoizana feno iray ho an'Andriamanitra, izao hariva izao. Enga anie ilay Ray lehibe an'i Jesosy Kristy Tomponay hanamasina azy ireo, fanahy, vatana, ary saina, ka hametraka azy ireo ao amin'ilay Vatan'i Jesosy Kristy Tompo. "Fa antomotra ny fampakaram-badin'ny Zanak'ondry, ary efa nanao ny Tenany ho vonona ny Ampakariny." O Tompo, enga anie izao no harivan'ny fiomanana, satria mety ho rahampitso no andro hihaonanay Aminy. Tsy fantatray hoe amin'ny firy izahay no ho voaantsvo hihaona Aminy. Ekeo izany, Tompo.

²⁴⁵ Ankehitriny raha eo am-pivavahana aho, ka mbola manondrika ny lohanareo ianareo. Ny tsirairay aminareo izay nanangana ny tànanareo, raha tena tso-po lalina amin'izany ianareo, ka tena manaiky an'izany ianareo, ary tsy menatra

ianareo ny hampahafantatra ny olona fa diso ianareo! Tsy maintsy hijoro miaraka amin'izy ireo ianareo any amin'ilay Fitsarana, na izany aza. Ary Andriamanitra no nametraka fandresen-dahatra ampy ao aminareo, mba hahafantaranareo fa diso ianareo.

²⁴⁶ Teto fotoana vitsy lasa izay, dia nitory zavatra tahaka an'izany aho. Niresaka tamin'ny ramatoa tanora iray aho izay nitsangana tery aoriana tery. Toy ny nampahatahotra izy, zanakavavin'ny mpitoriteny iray. Ary nihaona tamiko izy tany ivelan'ny fiangonana, ary raha tsy namely ahy mafy izy! Hoy izy hoe, "Ianao dia zavatra tsy mahay na inona na inona." Kely, mpaniratsira, molotra miloko; sorta, volo tapaka. Hoy izy hoe, "Raha mila olona hiteny amiko ny amin'izany aho, dia olona manan-tsaina no halaiko." Hoy izy, "Aza mankeny amin'ny polipitran'ny raiko intsony ianao ka mitory zavatra iray tahaka an'izany indray."

²⁴⁷ Hoy aho hoe, "Ny tianao ho lazaina amiko ve dia, ny dadanao, mpitoky teny Batista mahitsy fo tsara anankiray tahaka azy, dia tsy hitory teny hanohitra an'izany?"

Hoy izy hoe, "Tsy nanakarama anao ho tonga eto izy . . ."

Hoy aho, "Tsy nanakarama ahy izy, tokoa mihitsy. Tonga tamin'ny alalan'ny fanasana aho."

Hoy izy hoe, "Tsy hamela anao mihitsy aho ny amin'izany."

²⁴⁸ Hoy aho hoe, "Miankina aminao izany. Nanaraka ny Filazantsara fotsiny ihany aho." Nikopakopaka tao anatin'ny rivotra kely ireo alan-draozy. Vehivavy tanora tsara tarehy.

²⁴⁹ Taty aoriana kely, teo amin'ny herintaona taty aoriana, dia nandalo teo amin'ilay tanàna aho. Nahita an'io ramatoa tanora io ihany aho niaraka tamin'ireo zipony nihantona, nifoka sigara anankiray, nandeha teny an-dàlambe. Nieritreritra aho hoe, "Io ilay vadin-dRahalahy *Ranona-sy-ranona*, na, ny zanakavaviny." Niampita an'ilay lalambe aho, mba hijery raha afaka ny hahatratra azy.

²⁵⁰ Nijery ahy izy, nifoka an'ilay sigara, namoaka an'ilay izy teo amin'ny orony. Hoy izy hoe, "Manao ahoana, ry mpitoky teny," teny kivalalava ratsy tamin'izany, tahaka an'izany.

Hoy aho hoe, "Eny, eny!"

Hoy izy, "Mba makà sintona iray amin'ny sigarako. Mbà lehilahy iray."

Hoy aho, "Tsy menatra ny tenanao ve ianao?"

²⁵¹ Nanakatra tao amin'ny poketrany izy, nanao hoe, "Makà àry sigara iray."

²⁵² Hoy aho hoe, "Mbà menatra ianao. Mbà menatra ianao, raha hanolotra sigara iray ho an'ny mpanompon'Andriamanitra."

Hoy izy hoe, “Raha izany dia angamba mba hisotro avy ato amin’ny tavoahangiko ianao.”

Hoy aho hoe, “Azafady aza miteny an’izany.”

²⁵³ Nijery azy aho. Tsy nahatanty ny tsy hitomany aho, satria ny dadany dia lehilahy tsara anankiray. Nijery azy aho. Nieritreritra aho hoe, “Oh, oadray! Mihevitra izy fa mbola manana fotoana betsaka izy.”

²⁵⁴ Nanomboka nandeha aho. Tsy nahatana an’ireo ranomasoko avy teo amin’ny masoko aho. Nandeha aho. Hoy izy hoe, “Andraso iray minitra.”

Hoy aho hoe, “Eny, madama?”

²⁵⁵ Niverina izy. Saiky henatra iray ilay niresaka taminy teny an-dàlambe, ny olona nandalo teo. Nandeha izy. Hoy izy hoe, “Fantatrao moa izay nolazaina tamiko tamin’ilay indray hariva?”

Hoy aho hoe, “Ho tsaroako foana.”

²⁵⁶ Hoy izy, “Te-hiteny aminao aho, ry mpitory teny, fa marina ny anao.” Hoy izy hoe, “Nampalahelo ny Fanahy Masina farany aho.” Ankehitriny, ity no fanamarihana izay nataon’ilay vehivavy tamiko, ary tsy hadinoko mihitsy izany, raha mbola velona koa aho. Hoy izy hoe, “Nifampiraharaha tamiko Izy tamin’io alina io. Saingy,” hoy izy, “rehefa nihodina Taminy aho tamin’io fotoana io, dia izay no farany ny amiko.” Hoy izy, “Mafy loatra ny foko; tsy miraharaha an’Andriamanitra aho, ny fiangonana, na zavatra hafa. Manozona ny dadako aho, isan’andro.” Dia hoy izy hoe, “Toa hitako ny fanahin’ny reniko mENDY ao anatin’ny helo, tahaka ny mofo menaka iray, ary maneso an’ilay izy.” Izany no atao hoe mampalahelo farany ny Fanahy Masina. Eritrereto izany.

²⁵⁷ Ndao isika handeha any an-Trano eo ambonin’ireo elatry ny Voromailala iray. Aoka isika ho Ampakarina. Mitsangàna miala eny amin’ny sezanareo ankehitriny, raha diso ianareo. Miakara ety. Mijoroa eto amin’ny alitara eto ka manaova hoe, “Diso aho. Rahalahy Branham, manana fahatezerana aho. Na, izaho—izaho—izaho dia niaina ratsy. Izaho—izaho dia tsy hanao an’ireo zavatra izay ataoko. Rahalahy Branham, izaho efa nanao an’ity, itsy, na ny hafa. Meloka tamin’ny fandaingana aho. Meloka tamin’ny fangalarana aho. Meloka tamin’ny zavatra anankiray aho. Tsy nanompo an’Andriamanitra tamin’ny fomba tokony hataoko aho, ary menatra ny tenako aho, ka te-hanao ny fiainako ho voahitsy. Hivavaka ho ahy ve ianao eto izao hariva izao, Rahalahy Branham?” Ho faly aho hanao an’izany.

²⁵⁸ Raha hamaly ny fivavako Andriamanitra, mba handre an’ireo marary, jamba, ary ory, dia handre tokoa Izy ny fivavaka iray ho an’ny mpanota. Ho avy ve ianareo ka ho tonga

ampahan'ilay Ampakarina izao hariva izao? Manasa anareo aho ho avy.

²⁵⁹ Misaotra anao, rahalahiko. Midera an'izany karazana herim-po izany aho, izay handeha ka hanaiky fa diso ianao. Andriamanitra hitahy anao, rahalahy. Mijoroa mihitsy *eto*.

²⁶⁰ Te-hiteny amiko ve ianareo hoe, afaka nanangana ny tanganareo ianareo nefo tsy tso-po ny amin'izany akory? Inona no mitranga amin'ny olona? Rahalahy, inona ny olana? Inona ny olana amin'ireo olontsika ao amin'izao andro izao? Tehilaza ve ianareo hoe nanangana ny tanganareo ianareo, fa hoe diso ianareo, nefo avy eo dia tsy ho avy? Ary fantaro, "Izay mahafantatra ny hanao ny tsara, nefo tsy manao an'ilay izy, dia ratsy izany Aminy." Tsy ho avy ve ianareo?

Raha ny mpitendry piano, raha sitrakao, ranabavy, mpitendry orga, feon-kira kely anankiray fotsiny.

²⁶¹ Manasa anareo aho. Te-hanontany anareo aho. Firy ato amin'ity mpanatrika ity no tany amin'ireo favoriana rehefa... Fantatrareo fa tsy mpitory teny iray aho. Tsy nahazo fianarana aho.

²⁶² Andriamanitra hitahy anao, ramatoa kely. Mila tena zazavavy iray mihitsy ny fanaovana an'izany. Ity voninkazo kely manantona eto ity, ho tahiana ianao, ranabaviko. Izany no tena herim-po. Izaho—izaho dia midera an'io ramatoa kely io. Andriamanitra hitahy anao, malala. Manana zazavavy kely iray aho any an-trano, eo amin'ny taonanareo rehetra, Rebekah kely. Mankasitraka anao aho. Zazavavy Indiana kely? Andriamanitra hitahy anao, malala, io mpanjakavavy kely io. Homba anao anie Andriamanitra, malalan'ny fo. Ianao, ranabavy kely, homba anao anie Andriamanitra. Ary homba anao, ranabavy.

²⁶³ Ankehitriny, jereo aty. Raha ireo ramatoa tanora tahaka an'izao, zazavavy kely, malefaka ao amin'ny fieritreretana; ary nitory toriteny iray izay nanapaka azy ireo ho potipotika, dia indro izy ireo miakatra eto, mahafantatra fa diso izy ireo, mijoro eto anatrehan'ny mpanatrika mba hanao fiaikena anankiray. Azo antoka, azo antoka fa ianareo vehivavy antitra, tsy ho avy ve ianareo? Miakara eto, ary mijoroa *eto*.

...hitady ny Tavanao aho;
Sitrano ny fanahiko maratra, simba.

Ndao isika hihira an'izany.

Vonjeo amin'ny Fahasoavano aho.
Mpamony, Mpamony,
Henoy...

²⁶⁴ Azo antoka fa tena tso-po ianareo mba hivavaka fivavahana manetry tena iray. "Miantsoa, Tompo, zahao toetra aho, dia jereo raha misy zavatra ratsy amiko."

Aza mandalo ahy.

Andriamanitra hitahy anao, ranabavy malala.

²⁶⁵ Firy ato amin'ity favoriana ity no nitsangana ka nahita, tao amin'ilay mpanatrika, vehivavy, lehilahy, sy ny rehetra, nanatona rehefa nitsangana aho ka nivavaka ho an'ny marary, ary miteny an'ireo zavatra ireo ny Fanahy Masina, ny amin'ireo fahotany sy ny sisa, ka mahafantatra? Firy aminareo no mahafantatra fa marina izany? Tsy diso mihitsy. Miteny amiko ny Fanahy Masina, ilay Fanahy Masina iray ihany, fa misy zavatra ato izao hariva izao izay mampalahelo Azy. Ankehitriny, izany no HOY NY TOMPO HOE. Ankehitriny, atreho eto izany, na Any.

²⁶⁶ Izaho dia tsy olona iray natao ho eo ambonin'ny fihetseham-po. Tsia, tompoko. Fantatro marina tokoa izay ijoroako, ary izaho—izaho dia mahafantatra an'Andriamanitra. Marina izany. Misy maro aminareo no mila mitsangana eto amin'izay misy an'ireo tovovavy ireo mihitsy. Ankehitriny, tsy ho avy ve ianareo? Manasa anareo aho. Tsy handresy lahatra aho. Miteny fotsiny aminareo aho.

²⁶⁷ Olona anankiray no nanao hoe, “Izaho dia mbola tsy nandre antso amin'ny alitara anankiray mihitsy izay nananaran'ny mpitoriteny iray, tao amin'ny zavatra tahaka an'izany.”

²⁶⁸ Izany no fomba natao hanaovana an'izany. Tsy manatona eo amin'ny tantara mandratra fo anankiray ianareo, reny anankiray maty na zavatra iray. Izany, izany dia eo ambanin'ny fihetseham-po. Ny Tenin'Andriamanitra no hanatonanareo. Tsy manatona nohon'ny maha-eo ambanin'ny fihetseham-po iray ianareo. Manatona ianareo mino fa Andriamanitra no Andriamanitra, ary ao anatin'ny trano fitsaran'ny Tompo ianareo. Ary tonga ianareo, hitondra ny raharahanareo.

²⁶⁹ Andriamanitra hitahy anao, rahalahiko, ranabaviko. Te-handray ny tànanareo aho, hilaza fa mankasitraka ny faharesendahatrareo amin-kitsim-po aho. Ramatoa kely, mankasitraka anao aho. Andriamanitra hitahy anao. Enga anie Izy hanome anao an'ilay Fanahy ambony io. Ho tahiana ianao, rahalahiko. Homba anao anie Andriamanitra.

²⁷⁰ Averiko indray mandeha, avy eo dia hamarana isika. Ity no mety hifaranany ho an'ny fotoana farany, ihany koa. Hitanareo? Tsy fantattro hoe rahoviana. Manantena aho fa tsy izany ilay izy. Saingy mety ho izany. Hitanareo?

Mpamonjy . . .

²⁷¹ Avia eto, ranabaviko. Te-handray ny tànanao aho, misaotra anao. Mankasitraka an'izany finoana izany aho. Izany no finoana tena izy.

²⁷² Avia eto, rahalahiko. Te-hifandray tànana aminaoh aho, eto mihitsy. Mankasitraka ny fahatsoram-ponao aho. Andriamanitra hitahy anao.

²⁷³ Avia eto. Andriamanitra hitahy anao. Mankasitraka ny fahatsoram-ponao aho, nanao fijoroana iray . . .

 . . . mandalo ahy.
 Mpamonyj. . .

²⁷⁴ Ahoana? “Tonga ny fampakaram-badin’ny Zanak’ondry, ary efa nanao ny Tenany ho vonona ny Ampakarina.”

 . . . antsoko tsotra;
 Raha eo . . .
 Aza mandalo ahy.

Ahoana?

 Matoky fotsiny ny Fahamendrehanao aho,
 Hitady ny Tavaao aho;
 Sitrano ny fanahiko maratra, simba (teo amin’izay
 nandrantsanan’ilay Teny azy),
 Vonjeo amin’ny fahasoavanao aho.

 Mpamonyj, Mpamonyj,
 Henoy ny antsoko . . .
 Raha eo amin’ny hafa no Iantsoanao,
 Oh, aza mandalo ahy.

²⁷⁵ Tsarovy, ilay Fanahy Masina no nandrantsana ny fonareo, ka manatona eto. Eritrereto fotsiny ireo toerana izay Norantsanany, fa izany olona izany dia tsy hahafaka an’izany mihitsy. Ho tsaroany foana izany. “Raha tsy manameloka antsika ny fontsika.” Saingy rehefa manatona miaraka amin’ny zavatra iray ao amin’ny Tenin’Andriamanitra ianareo, ka andalovanareo izany, dia tsy Taranak’i Abrahama izany. Ninazona ny teny fikasan’Andriamanitra tao am-pony i Abrahama, tsy niraharaha an’izay tonga na lasa.

²⁷⁶ Mankasitraka an’ireo izay mijoro manodidina ny alitara aho. Ny fivavako ho anareo, dia ny hanomezan’Andriamanitra anareo ny fanirian’ny fonareo izao hariva izao, ka hanao anareo ho tena olona masina.

²⁷⁷ Ny sasany amin’ireto olona tanora ireto, ity misy Indiana, Espaniola, Meksikana, ny rehetra izay mitsangana manodidina, olona izay nilaza tena ho Kristiana, angamba, nandrity ny taona maro, saingy mahita fa diso izany. Te-ho marina izy ireo. “Sambatra ireo izay noana sy mangetaheta ny fahamarinana, fa izy ireo no ho vokisana.” Voaheloka, vonona ny hanitsy an’ilay izy miaraka amin’Andriamanitra, mandalo eo amin’ireo alitara mahamay an’ny fitsaran’Andriamanitra.

²⁷⁸ Tsy maintsy hifanatrika amin’izany any ho any, ry sakaiza. Tsy maintsy hifanatrika amin’izany ianareo any ho any, koa atreho eto izany. Aza miandry mandra-pahatongan’ny maraina. Mety ho faty izao hariva izao ianareo, ao amin’ny lozam-pifamivoizana anankiray, eny am-podianina any an-trano.

²⁷⁹ Vao haingana mihitsy tao amin'ny fivoriana iray, nanao antso iray teny amin'ny alitara aho, ary—ary niantso aho, toa tany Ohio ilay izy. Ary tamin'io hariva io, dia nandao an'ilay tranobe aho, ary lasa teo amin'ny dimy ambin'ny folo minitra teo. Nandre olona iray nikiakiaka aho, teo amoron-dàlana. Nijanona aho, dia nandeha teo. Fiara iray no tratry ny lozam-pifamoivoizana, nandona an'ilay anankiray hafa. Ary vehivavy iray izay nipetraka teo, tena taitaitra, nesoriny ny peratrany, tena taitaitra loatra izy. Maty izy. Ary niresaka tamin'ny zanany vavy izy, teny an-dàlana, raha teo am-pamiliana fiara. Nalain'izy ireo izy, vonona ho any amin'ny hopitaly. Ary izy roa ireo dia tokony ho nandeha teny amin'ilay alitara. Ary hoy ilay zanakavavy hoe, “Neny, ny teny farany nolazainy tamiko talohan’ny nidonan’ilay fiara dia hoe, ‘Nanao ratsy aho izao hariva izao. Fantatro fa nanao aho.’” Ary teo dia nesorina ny ainy.

Oh, hoy ianareo hoe, “Tsy hitranga amiko izany.” Mety hitranga izany. Mety hitranga izany.

²⁸⁰ Ary ahoana moa raha tsy manameloka anareo intsony indray ny Fanahy Masina sy tsy miteny aminareo fa diso ianareo? Amin’izay fotoana izay dia hiditra ao amin'ny Mandrakizay tahaka an’izany ianareo. Ary fantattrareo, fa miaraka amin’izany karazana fanahy iray izany, dia tsy ho vitanareo izany. Tompoko, itodiho ny fiainanareo, jereo hoe toy ny ahoana no niainanareo. Ary mitodiha ao aoriana ao dia jereo raha ilay fiainana malemy, manetry tena an’i Kristy ilay izy, mifanaraka tsara amin’ny Teniny rehetra. Raha tsy izany ilay izy, dia tongava mba hahitsy. Misy . . . Nahoana, nahoana no haka mpisolo anankiray, nefy ny lanitra dia feno an’ireo tena fitahiana pentekotista izay hanasa ny fonareo, hanadio ny fanahinareo? Tsy marina ve izany?

²⁸¹ Firy ireo mpitoriteny ato izao hariva izao? Tiako ny sasany aminareo rahalahy ireo handeha eto miaraka aminay. Tena tsara ve izany, rahalahy? Hia. Manatona eto, sitrakareo ve, iray minitra fotsiny, rahalahy? Marina izany.

²⁸² Jesosy no nilaza, ao amin'ny Teniny hoe, “Izay mandre ny Teniko, ka mino Izay naniraka Ahy, no manana Fiainana Mandrakizay; tsy ho tonga eo amin'ny fanamelohana, fa efa nafindra avy tamin'ny fahafatesana ho amin'ny Fiainana.” Hoy Masindahy Jaona 6 hoe, “Ary Izaho hanangana azy indray amin'ny andro farany,” fitsanganana iray.

²⁸³ Ry olona, isika, isika tokony hijoro amin’izany. Tsy maintsy manao an’izany isika. Tsy maintsy hatao mihitsy izany. Noho izany ny . . . Tsy fihetseham-po izany. Miaraka amin’izany ny fihetseham-po, mazava ho azy. Marina izany. Fa ny tena izy dia, dia fo iray voatokana.

²⁸⁴ Raiso fotsiny ny Tenin’Andriamanitra, ka manaova hoe, “Andriamanitra, nanao ratsy aho. Manenina aho nanao an’izany.

Fantatrao ny foko. Nanao ratsy aho. Eto ambonin'ity toerana ity mihitsy, no hiaikeko ny fahadisoako. Ary manomboka amin'ity hariva ity, amin'izao sisa izao, dia mpifamofo Amina aho. Ampahan'ilay Ampakarina aho. Tsy hanao an'izany intsony mihitsy aho; tsy hamela intsony ny fahatezerako hitroatra indray. Izaho dia—izaho dia hanao toy ny ramatoa iray. Izaho dia hanao toy ny lehilahy iray mahalala fomba. Hanao an'ireo zavatra izay nolazain'ny Baiboly fa hatao aho. Hitazona Anao izao ankehitriny izao amin'ny Teninao aho." Amin'izay fotoana izay dia lasa any ho any ianareo.

²⁸⁵ Mino an'izany ve ianareo, ry mpitory Filazantsara? [Hoy ireo mpitoriteny hoe, "Amena."—Mpand.] Izany ve no Fahamarinana? ["Amena."] Marina izany.

²⁸⁶ Ankehitriny, ndao isika hanondrika ny lohantsika ao amin'ny vavaka ankehitriny, ny tsirairay aminareo mihitsy, amin'ny fanaonareo manokana.

²⁸⁷ Tsarovy, eo anilanareo eo mihitsy Kristy. Eo anoloanareo, eto amin'ny alitara eto, no mitsangana ireo Kristiana izay mivavaka. Aorianareo; ireo mpitoritenin'ny Filazantsara izay mivavaka. Ankehitriny, izany no mampiditra anareo ao anatin'ny hafanambavaka anankiray.

²⁸⁸ Ankehitriny, ny fiaikenareo, ao amin'ny fonareo, amin'ny fanaonareo manokana. "Tompo, diso aho." [Hoy ireo teo amin'ny alitara hoe, "Tompo, diso aho."—Mpand.] "Manenina aho, Tompo," ["Manenina aho, Tompo,"] "Nataoko ireo zavatra ireo." ["Nataoko ireo zavatra ireo."] "Miaiky ny fahotako aho ankehitriny." ["Miaiky ny fahotako aho ankehitriny."] "Mino Anao aho." ["Mino Anao aho."] "Manaiky Anao aho ankehitriny." ["Manaiky Anao aho ankehitriny."] "Te-ho ampanan'ilay Ampakarina aho." ["Te-ho ampanan'ilay Ampakarina aho."] "Amin'ny Anaran'i Jesosy no ivawahako." ["Amin'ny Anaran'i Jesosy no ivawahako."] Ankehitriny, tehirizo ao am-ponareo ny fiaikenareo ankehitriny.

Ankehitriny dia hivavaka ho anareo aho.

²⁸⁹ Ray An-danitra, toy ny ahoana ny ampalahelovan'izany ahy indraindray rehefa mijery ny olona izay tia ahy aho, ka mahita hoe toy ny ahoana no Andraisanao ny Teny ka mameletra an'Izany eo. Manasaraka mihitsy ny tsoka amin'ny taolana Izany, fa avy eo dia tonga mihitsy Ianao manamarina an'izany ho Fahamarinana. Izany no Fahamarinana.

²⁹⁰ Indro mitsangana ireo lehilahy sy vehivavy, na dia ireo ramatoa kely aza, ireo zazavavy kely mitsangana eto miaraka amin'ny loha miondrika, sy ranomaso eo amin'ny masonry, eo amin'ireo fihaonan-dàlan'ny fiaianana mihitsy. Mieritreritra aho hoe taiza no mety ho nisy azy ireo, tany amin'ilay fandihizana twist, rock-and-roll, azon'ny devoly, andiany ampahorian'ny demony. Eto izy ireo, mitsangana eto izao

hariva izao miaraka amin'ny fo miondrika, mila zavatra izay azon'izy ireo hametrahana ny tānany, mba hanao hoe, "Tompo Andriamanitra, diovy aho hiala amin'ireo zavatr'izao tontolo izao."

²⁹¹ Eto ny lehilahy efa azon-taona, lehilahy tanora, vehivavy antitra, vehivavy tanora, miaraka mitsangana daholo. Miaiky izy ireo fa misy zavatra diso. Ianao no niteny tamin'ny fon'izy ireo; tsy ho eo mihitsy izy ireo. Izany no maneho fa tsy afaka nitsangana avy teo amin'ny sezany akory aza izy ireo, raha tsy efa nisy fanapahan-kevitra iray noraisina. Fanahin'Andriamanitra anankiray no nanodidina azy ireo, ary—ary nanao hoe, "Diso ianareo."

Ary ny fiainana kelin'izy ireo no nanao hoe, "Tompo, noho izany dia mila Anao aho."

Ary hoy ny devoly hoe, "Mipetraha tsara."

²⁹² Saingy hoy ny Fanahin'Andriamanitra hoe, "Mitsangàna." Dia nandeha tao anatin'ny fankatoavana izy ireo, ka mitsangana eto amin'ny alitara.

²⁹³ Ankehitriny, raha nanonona Taminao ny Teninao aho, "Izay hanatona Ahy, dia tsy ho Roahiko na oviana na oviana mihitsy. Na dia toy ny jaky aza ny fahotanareo, dia ho fotsy toy ny oram-panala izy ireny; mena tahaka ny sily, ho fotsy toy ny volon'ondry. Avia ka mividiana Amiko, divay sy diloilo. Ampy ny Fahasoavako. Izay mandre ny Teniko, ka mino Izay naniraka Ahy, no manana Fiainana mandrakizay; ary tsy ho tonga eo amin'ny Fitsarana, fa efa nafindra avy tamin'ny fahafatesana ho amin'ny Fiainana. Ary ankehitriny dia tonga ny fampakaram-badin'ny Zanak'ondry, ary efa nanao ny Tenany ho vonona ilay Ampakarina."

²⁹⁴ Ray, Anao izy ireo. Izy ireo no amboaran'ny Teninao. Eto izy ireo mba ho voasasan'ilay ranon'ny Teny, satria izany no Filazantsara feno. Tsy mamela na inona na inona izany. Mandrantsana izany, mba hidina hatrany amin'ilay toeran'ny kilasin-jazakely. Manongotra an'ireo faka izany, ireo fakan'ny fahangidiana, ireo—ireo—ireo fakan'ny fihafahafana, ireo fakan'izao tontolo izao. Ongoty ireny, Tompo, amin'ny alàlan'ny Fanahy Masina. Roahy hiala amin'ireto olona ireto izy ireny.

²⁹⁵ Takiako ho Anao izy ireo izao hariva izao, Jesosy, ho Harenanao manokana, ho vatosoa eo amin'ny Satroboninahitrapa, ho mambran'ny Ampakarinao. Mitaky ny ain'izy ireo aho. Mivavaka amin'ny foko rehetra aho, miaraka amin'ireto mpitoriteny ireto, ireto mpanompon'Andriamanitra velona ireto. Mivavaka aho mba Hanesoranao ao amin'izy ireo, Tompo, an'ireo zavatr'izao tontolo izao, ka hanome azy ireo herim-po mba hitsangana eo anatrehan'i Satana. Ekeo izany, Tompo. Mino izahay fa hanao an'izany Ianao. Hoy Ianao hoe,

"Angataho amin'ny Ray ny zavatra rehetra amin'ny Anarako, fa Hataoko izany." Ankehitriny, tsy niteny mihitsy Ianao hoe, "Ah, angamba Hataoko izany." Hoy Ianao hoe, "Hataoko izany." Ary mino aho fa izany no marina.

²⁹⁶ Ankehitriny, izao koa no voasoratra ao amin'ny Soratra hoe, "Handroaka devoly amin'ny Anarako izy ireo." Ny devoly no naka ramatoa tanora iray na vehivavy iray, ka nanimba ny fiaianany. Ny devoly no naka lehilahy iray ka nanimba ny fiaianany. Ary hanonona an'io tantara kely io aho, Tompo, ao amin'ny fivavako. Ary mivavaka aho mba Handrenesanao ahy, sy hamalianao ny fivavako, mba hahatonga ny tsirairay avy amin'izy ireto ho voataky izao hariva izao ho firavaky ny Fanjakana. Tonga izy ireo. Ary tsy maintsy hamaly ny amin'ireo teniko izao hariva izao aho. Ary indreo izy ireo fa tonga mitsangana miaraka amiko, sy handray ny toeranay eo anilan'i Kristy.

²⁹⁷ Ankehitriny, Satana, resy ianao. Notazoninao ny vitsy tamin'izy ireo, saingy tsy azonao ilay ady. Hoy Jesosy hoe, "Izay manatona Ahy, dia tsy ho Roahiko na oviana na oviana mihitsy."

²⁹⁸ Satana, milaza aminao aho, fa indray andro dia nisy zazalahy kely iray izay niandry ny ondrin'ny rainy. Ary niditra ny liona anankiray ka naka ny iray tamin'izy ireny, ary nitondra azy, namiravira azy tamim-paharatsiana, ary handrapaka azy. Saingy io mpiandry ondry kely marina io kosa, tsy nanana betsaka afa-tsy antsamotady anankiray izy, fa nanana finoana an'Andriamanitra velona izy. Nanenjika an'ilay liona izy, ary tratrany izy, ary izy—izy dia nanasamaka azy. Nitsangana izy nanohitra azy, ary tratrany teo amin'ny volombavany izy ka dia nosamahany izy. Nalainy avy teo amin'ny vavany ilay ondry, namerina azy indray teo amin'ny fihinanam-bilona ho an'ny fahasitranany.

²⁹⁹ Ianao no naka an'ireto ondry sarobidin'Andriamanitra ireto, ireto ramatoa ireto, ka nahatonga azy ireo hanapaka ny volony sy hanao lokon-tarehy, ka hitovy amin'ireo zavatra izay melohin'ny Baiboly, ary nihevitra ianao fa azonao izy ireo. Saingy tonga aho miaraka amin'ity antsamotadim-bavaka tsotra kely ity. Mitondra azy ireo miverina aho izao hariva izao. Tsy afaka mihazona azy ireo intsony ianao. Resy an'ady ianao. Ireto lehilahy sarobidy izay mitsangana eto ireto, zanak'ondrin'Andriamanitra, avelao izy ireo ho afaka. Mandidy anao izahay, amin'ny Anaran'i Jesosy Kristy Tompo. Apetrako eo anelanelan'ireo fahazarana sy fahatezerana ireo, sy ireo fitondran-tena ratsy ary na mety ho inona ilay izy, apetrako ny Ràn'i Jesosy Kristy, amin'ny finoana, eo anelanelan'izy ireo sy io zavatra io indray. Tsy ho azonao intsony izy ireo. Ao amin'ny fihinanam-bilon'ny Ray izy ireo. Zanany izy ireo. Mialà amin'izy ireo. Amin'ny Anaran'i Jesosy Kristy, mandidy anao aho.

³⁰⁰ Tsy misy devoly iray ao amin'ny helo afaka hikasika anareo, raha hino an'izany ianareo. Voasaron'ilay Rà ianareo. Ianareo dia voahodidin'ny vavaka, an'ireo mpitoritenin'ny Filazantsara, sy ireo iraky ny fampiraisana, vavaka. Ny tsirairay avy aminareo mitsangana eto, miakara eto, izay mahafantatra fa manana fahazarana ianareo, hadisoana, sy ireo zavatra mahamenatra anareo. Raha apetrakareo eo ambonin'ny alitara varahin'ny fitsaran'Andriamanitra ireo ankehitriny, ka hanaiky an'izany ho famelàna anareo, izay Kristy no manome an'izany ho anareo, hanao an'izany fanolorana izany amin'ny finoana ve ianareo, mba hanangana ny tànanareo ka hanao hoe, "Manaiky an'izany aho ankehitriny. Lasa ilay izy. Ary manomboka amin'ity andro ity, dia tsy hanao an'ilay izy intsony mihitsy aho"? Voavonjy tamin'ny alàlan'ny Ràn'i Jesosy Kristy ianareo. Amena. Amena. Deraina Andriamanitra.

Misy olona hafa te-ho tonga ve, hikambana amin'ity andiany ity?

³⁰¹ Misy marary ve ato amin'ny tranobe, te-hitsangana ho an'ny vavaka amin'izao ora izao mihitsy? Mitsangàna.

³⁰² Tiako ny tsirairay aminareo eto, raha toa ianareo ka tsy—raha toa ianareo ka tsy mambra avy ao amin'ny fiangonana tsara iray an'ny Filazantsara feno, mandehàna any amin'ny anankiray, ity anankiray ity raha afaka ianareo, raha mipetraka eto akaiky eto ianareo. Miaraha amin'ilay pasitera dia aoka hatao batisa. Ary avy eo raha tsy nandray ny Fanahy Masina ianareo, dia mivavaha mba hanomezan'Andriamanitra anareo ny Fanahy Masina sy hameno anareo, hanao anareo ho mambra anankiray an'ilay Ampakarina.

³⁰³ Jereo ireo manerana ireo, rahalahy, ireo olona marary. Tsy afaka mihazona an'ireo olona ireo ny devoly. Izao no fotoana fanafahana. Haleloia! Tsy mino an'izany ve ianareo? [Hoy ny fiangonana hoe, "Amena."—Mpand.]

Ndao àry isika hanondrika ny lohantsika ho an'ny vavaka.

³⁰⁴ Ary ny tsirairay aminareo olona eo ireo, izay manana aretina, ianareo izay mitsangana, apetraho eo amin'ny iray hafa ny tànanareo. Hoy Jesosy Kristy hoe, "Ireto famantarana ireto no hanaraka an'ireo izay mino. Raha mametraka ny tànany amin'ny marary izy ireo, dia ho sitrana ireny." Tazony eo amin'ny hafa ny tànanareo. Ankehitriny, aza mivavaka ho an'ny tenanareo. Mivavaha ianareo ho an'ilay olona eo akaiky izay ametrahanareo ny tànanareo, satria mivavaka ho anareo izy ireo.

Ndao isika hiaraka hivavaka ankehitriny amin'ny maha-Fianganana Kristiana iray.

³⁰⁵ Tompo Jesosy, manksitraka izahay ny amin'ny fandresena izao hariva izao, manatona Anao ireo fanahy. Ankehitriny, ny devoly no naka ny sasany tamin'ireo Ondrinao, tamin'ny aretina. Tonga izahay hitaky azy ireny indray. Ary amin'ny maha-

Fiangonan'Andriamanitra velona, dia miteny mafy ny devoly izahay, ka manao hoe, "Avelao ho afaka ireto olona marary ireto, Satana. Mandidy anao amin'ny Anaran'i Jesosy Kristy izahay, hoe enga anie izy ireo ho sitrana." Hoy ny Baiboly hoe, "Ireto famantarana ireto no hanaraka an'ireo izay mino. Raha mametrakà ny tånanany amin'ny marary izy ireo, dia ho sitrana ireny." Izany no teny fikasan'Andriamanitra, ary fantatray fa izany no marina. Sitrana izy ireo tamin'ny alàlan'ny dian-kapok'i Jesosy Kristy Tompo.

³⁰⁶ Ankehitriny, raha mino an'izany ianareo, dia atsangano ny tånananareo ka omeo Azy ny dera. Amena.

³⁰⁷ Eny àry, pasitera, anao daholo izany. Andriamanitra hitahy anao, rahalahy. Tena mahafinaritra ny miaraka aminareo izao hariva izao. Homba anareo anie Andriamanitra.

Andriamanitra hitahy anareo, ry rahalahy eto.



NY FAMPAKARAM-BADIN'NY ZANAK'ONDRY MAG62-0121E
(The Marriage Of The Lamb)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 21 Janoary, 1962, tao amin'ny Fellowship Tabernacle ao Phoenix, Arizona, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2014 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org